

कोरिन्थडाम मण्डलीलाई पावलका

ज्याक्तुम डादोम सेलाखाजेम

छेम-ल्वा

पावलका कोरिन्थमिमलाई ज्याक्तुम ओराम डादोम सेला-खाजेम सो। कोरिन्थ शहरडा पावलका कोले मण्डली गड्डुम बाइडा। मेसिन्डाम मुचुमिमका ख्रीष्टलाम ल्वाम्डिम त्वारोम नुड ख्रीष्टडा थोरलुम्डिमका हापा दुखा थारीमिम रोक्ताम बाइडा। मेमर्मिगोडा मेप्पाम दुखामिम मेरोमीनु ज्याक्पा नका पावलका ओराम सेला-खाजेम ज्याक्तुम बाईडा। मेराम थारीका कोरिन्थ खोत्ले नेब्दीनुड हेम-खेम बाट्पा कोले डोक्पु ग्रीक शहर बाइडा। ओराम शहर ने रोमी डोक्पु नेब्दीगोडाडाम अखैया ज्याक्पा याक्के नेब्दीकाम किब्दी बाईडा। मेराम शहरडा भ्रेपा, भ्रेट्पा खारी छोम दुस्थाल्ला मा उनी त्वाकाडा बेम्खेटिमडीम डुम्ला रुदुम वो छोम बर्तो लस्ताम बाईडा। बान्ते मेनो मेजोपा बासी-दोसीमिम बाईडा। खाल खालकाम डुम्ला बेपामिम वो मेसिन्डा बाम्डी।

पावलका कोरिन्थ मण्डलीकाम लागि छोम मिन्ताम-सोर्ताम बुडुम बाईडा। मेर्मिम ल्वा ने ओर्मिम डा सो : मण्डलीडा गो-फ दुम्पा मा मेजोपा बासी-दोसीमिम, वोस्चो-मेसेमकु हेमखेम नुड लालीकुन्दाकु दुथामिमिम हिलाहिसीमिम, नेप्चीकु दुथाम, मण्डलीका ज्यामीमिम थोमु बासिक्पा ल्वामिम, माम्चुनी-पेललामिमिम राप्लावा, सिमुलाम बम्गेमुकु दुथामिम ल्वा। आरेप्पाम हिलाहिसीकु दुथाम गुका माम्चुनीलामिमिम नेप्चीका ओराम सेला-खाजेमडा सीड्डुमिम बु।

माम्चुनीका उनीमा त्वाकु मुचुमिमलाई ग्वाम्डिम राप्लावामिम गोडाम खोत्लडाम जोपा ल्वा रिखाम डा ज्याक्साका आसिन्डा १३ अध्यायडा रेम्बुडुम बु। ओराम सेला-खाजेमडा खोत्लेडाम नड दोपा अध्याय ओराम डा सो।

पावलकु सेव

१ ओराम सेलाखाजेम माम्चुनीकु न होम्साका येशू ख्रीष्टका उनीमा थुर्मा मुचु दुम्मु छेट्टिडरीमिम गो पावल मा गोनुड लाम्दीपा आकीमा ल्वाक सोस्थनेसलामका सो।

२ ओराम सेला-खाजेम कोरिन्थ शहरडा बाट्पा माम्चुनीकु मण्डलीडा बाट्पामिमलाई ज्याक्तोडा बेउ। गानीलाई माम्चुनीका उनी त्वाकु सेपा मुचु दुम्मु लागि येट्टिमि। डाचो येशू ख्रीष्टकु सोरलोले बेपा खोत्लेथोम मुचुमिमलाई गुमीका सेपा दुम्बेट्टिमडिम

होम्साका गानीलाई वो ख्रीष्ट येशूलामका सेपा दुम्बेट्टिमिम बु। येशू डा इनीमा नुड आकीमा डाचो सो।

३ ईकी माम्चुनी पाप नुड डाचो येशू ख्रीष्टलामका गानी दिदाम नुड न-भ्रसी ल्वानी।

पावलका माम्चुनीलाई आलासो ग्वाक्तुम

४ गानीलाई माम्चुनीका ख्रीष्ट येशूडा उनी दिदाम ग्वाक्नीमका गो हेल्लो लोवो गुमीलाई ईनीमा लागि आलासो ग्वाक्पुमी। ५ हेडालोने ख्रीष्टडा गानीमिमका खोत्ले ल्वाडा जेमु मा खोत्ले ल्वा सोमु चापा नेप्चीकु जि-वा

ल्वान्निम बु। ६ ख्रीष्टकु दुथाम सोत्तोकोम
ल्व्वा गानी जोहोमका थोर बेन्नी।
७ मेम्मिमका ईकी डाचो येशू ख्रीष्ट
आथावो योमी ज्वाक्साका गानी छोम
लन्थानीलो माम्चुनीका ग्वाक्नीमिम
राप्लावाका मेलिट्पा मेबुनी। ८ हुक्पा
थारी मेदुम्थुमसम्म गुमीका गानीलाई
छोम सोनुडमा दुम्बेनी। मेम्मा ईकीमा
डाचो येशू ख्रीष्ट आथावो योमीलो
गानी हाम वो मेजोपा मेबेपा डानीमी।
९ माम्चुनी थोर लुईमिम बुमी। गुमीका
उनीमा तारापाचो येशू ख्रीष्ट ईकी
डाचोनुड हेमकेम दुम्मु लागि गानीलाई
येट्नीमी।

मण्डलीडा गो-फ दुस्ताम

१० वा-ल्व्वाकनी, ईकी डाचो येशू
ख्रीष्टकु नडडा गो गानीलाई छोम ज्वाडु,
गानी खोत्ले ईनी त्वाप-त्वापडा दुसाका
बानी, मा गो-फ मेदुम्नी। मेम्मा ईनी
नडा नुड ईनी मिम्साडा कोलेडा नकाम
दुम्नी। ११ हेडालोने आमा वा-ल्व्वाकनी,
गानी गोडा रिबुसी गस्ताम बु ए
ज्वाक्साका क्लाएकु नेमडामिम गोडाम
कोडनिमका गोनुड सोम्डिम बु। १२ गो
ज्वामु मालुमिम ल्वा ओरामडा: गानी
गोडाम कोडनिमका, “गो पावलकाम”,
याडका “गो ओपोल्लोसकाम”, याडका
“गो ँकेफासकाम”, मा याडका “गो
ख्रीष्टकाम” ज्वानी ए। १३ हाम ख्रीष्ट
दोम्मिम्डीम बु मा? हाम पावल ईनीमा
लागि क्रूसडा चेसिडडा? हाम पावलकु
नडडा गानी कु-रुदुम रन्नी मा? १४ गो
माम्चुनीलाई आलासो ज्वाडु, गानी
गोडाम क्रिस्पस नुड गायसडाम वाडमिम
सुलाई वो कु-रुदुम ग्वाक्तोमिम मिबु।
१५ मेम्मिमका आमा नडडा कु-रुदुम
रउतो ज्वाक्साका गानी सुका वा

ज्वामु मेचाम्नी। १६ ए आच्छाडा,
स्तिफनासकु नेमडामिमलाई वो
गो कु-रुदुम ग्वाक्तोमी। मेडुडाममा
कोडनिमलाई कु-रुदुम ग्वाक्तोमी डे
मेए मेचक्पु। १७ हेडालोने ख्रीष्टका
गोलाई कु-रुदुम ग्वापडा मेए, जोपा-सेला
थोबेडडा थुडीडीमिम। मिनी नेप्चीडाम
ल्वा मेसोसाका जोपा-सेला थोबेडडा
गुमीका गोलाई थुडीडीमी, मेए माला
ने क्रूसडला ख्रीष्ट सिम्डीम हाम ना
हामकाम दुप्सावा।

ख्रीष्टडा माम्चुनीकु युम नुड नेप्ची

१८ पुयुलुमु खापामिमकाम लागि
क्रूसकु दुथामिमिम ल्वा नेप्ची मान्थिम
मुचुका जेस्ताम होप्पाम दुम, लावो
गुई सेल्लिक्पामिमकाम लागि ओराम
माम्चुनीकु युम सो। १९ माम्चुनीकु
सिजेमका ओरसाका ज्वा,

“ँनुडमा मुचुमिमकु न गो
डाम्साक्पुमी

मा नेप्चीनुडमामिमकु उनी नेप्ची
हाम ना हामकाम दुम्बेटुपु।” †

२० नेप्चीनुडमा बान्ते बु? पातुमी बान्ते
बु? ल्वालाम खाल्पा आथाम बिलिम मुचु
बान्ते बु? हाम माम्चुनीका ओ सुम्दीसेरकु
नेप्ची हाम ना हामकाम मेदुम्बेट्मीवा
मा? २१ सुम्दीसेरडाम मुचुमिमका उनी
त्वाकु नेप्चीका माम्चुनीलाई छेमु
मेचाप्पीवा। मेम्मिमका माम्चुनीकु नेप्ची
होम्साका गुकु थोबेतोकोम जोपा-सेला
नेप्ची मान्थिम होप्पामलामका थोर
लुपामिमलाई सेल्मु माम्चुनीका जोपा
लुम्डी। २२ यहूदीमिमका युमखारीमिम
रेम्मु माल्मी मा ग्रीकमिमका नेप्ची
माल्नी। २३ लावो गुकु ने क्रूसडा
चेम्सिम्डीम ख्रीष्टकु दुथाम जोपा-सेला
थोबेन्कुमी, उहेम ने यहूदीमिमलाई

† १.१२ अरामिक ल्वाडा केफास ज्वाक्मा पत्रुस

† १.१६ यशैया २६ : १४

† १.१६ *यशैया २६:१४

तुकपा मा वाडसामामिमकाम लागि ने हाम ना हामकु ल्वा बाईडा। २४ लावो यहूदीमिम दुम्नुका वाडसामामिम, माम्चुनीका येटिमडीमिमकाम लागि ने ख्रीष्टडा माम्चुनीकु युम नुड नेप्ची सो। २५ हेडालोने माम्चुनीकु नेप्ची मान्थिम मुलु बेम्डिम ल्वा मुचुमिमकुखोत्ले नेप्चीडाम वो सोनुडमा बु। माम्चुनीकु मेचाप्सी ने मुचुमिमकु खोत्ले सोडाम सोनुडमा बु। २६ वा-ल्वाकनी, माम्चुनीका गानीलाई येटनीमिम थारीका गानी हंप्माम बान्नी, मेराम मिम्नी। सुम्दीसेरडाम मुचुमिमकु मिम्सी होडडा गानी गोडाम हापा मुचु नेप्चीनुडमा, हापा मुचुमिम युमचो नुड हापा मुचुमिम नड दोपा नेमगोडाम मेबानीवा। २७ लावो नेप्चीनुडमा मुचुमिमकु क्रोम लुबेन्नु माम्चुनीका सुम्दीसेरडाम नेप्ची मान्थिम ल्वामिम छेटिमडी। सोनुडमा मुचुमिमकु क्रोम लुबेन्नु माम्चुनीका सुम्दीसेरडाम मेचापा ल्वामिम छेटिमडी। २८ सुम्दीसेरडाम मुचुमिमका डोकपु मिम्मीडीम ल्वामिमलाई हाम ना हामकाम दुम्बेन्नु लागि सुम्दीसेरका याक्के मिम्डुम मा हाम ना हामकाम ल्वामिमलाई माम्चुनीका छेटिमडी। २९ उनीमा डादोडा सुवो डोकपु मेलिसीनु ज्वाक्साका माम्चुनीका आरे बेम्डिम सो। ३० माम्चुनीका गानीलाई येशू ख्रीष्टनुड दुम्बेटनीम बु। ख्रीष्ट डा ईकीमा लागि माम्चुनीलामिम नेप्ची, लोवो गुईलाई माम्चुनीकु डादोडा जोपा मिम्पा, गुईलाई उनीमा सैपा मुचु दुम्बेटपा, मा गुईलाई छुललामका वाड बेपा दुम्मिडिम बु। ३१ मेमिमका माम्चुनीकु सिजेमडा आरेसाका ज्याक्मा बु, “उहेम मुचु डोकपु लिसी, डाचोडा कोडडा डोकपु लिसीनु।”

२ वा-ल्वाकनी, माम्चुनीकु दुथाम थक्साका जुल्मा आच्छाडाकाम ल्वा सोपडा गो ईनीमाडा रोडडोलो छोम जेसी थेटपा नुड नेप्चीनुडमा दुम्साका मेरोक्डुवा। २ गो गानीनुड बाडडोलो येशू ख्रीष्ट नुड गुमीलाई क्रूसडा चेटिमडीम ल्वाडाम वाडमिम खोत्ले प्लवापा मुलु बेउतोम बाईडा। ३ गो ईनीमाडा मेचापा मा छोम डिमुका रुत्तो रोडडोम बाईडा। ४ आमा सिजेम नुड गो दोउतोम ल्वा मुचुलाई नडा लक्पा नुड नेप्चीनुडमा मेबायावा, लावो मेर्मिम ल्वाडा ने माम्चुनी-पेलकु युम आच्छाडा रेम्बेसिडडाम बाईडा। ५ मेम्साका ईनीमा थोर मुचुमिमकु नेप्चीडा मेएँ, लावो माम्चुनीकु युमडा दुम्नु।

माम्चुनी-पेललामिम नेप्ची

६ मेमडा लोवो गुकु डोकपु थोरनुडमा मुचुमिम गोडा नेप्चीकु दुथाम जेकु, लावो ओराम सुम्दीसेरडाम नेप्ची मेएँ मा ओराम सुम्दीसेरडाम साखामचोमिमकु नेप्ची वो मेएँ, मेर्मिमकु नेप्ची ने दाम्मा लल्या। ७ माम्चुनीकु मेल्लाखोपडाम नेप्ची, थक्मा नेप्ची डा गुकु सोकु, उहेम ने डादो गुमीका ईकीमा युम-भवाक्सीकाम लागि सुम्दीसेर प्रडमु डादोडा मुलु बेम्डिम बाईडा। ८ ओराम सुम्दीसेरडाम साखामचोमिम सुकावो ओराम ल्वा थेसिमेथेटमीवा। मेर्मिमका थेसिथेटमीवाम माला युम-भवासिक्पा डाचोलाई क्रूसडा मेचेटमीवा। ९ लावो माम्चुनीकु सिजेमडा आरेसाका ज्याक्मा बु,

“मिक्सीका मेल्लाम्मा, नोफ्लाका मेथोम्मा, नडा मेमिम्मा ल्वा माम्चुनीका गुमीलाई रिखाम बेपामिमकाम डादोडा चो

†१:३१ यर्मिया ६:२४

†

चोचुम्सिडिम (Rechech again) बाईडा।”

१० लावो माम्चुनीका ओर्मिम ल्वा उनी पेललामका ईकीमाडा रेम्बेम्डिम बु। माम्चुनी-पेलका खोत्ले ल्वा माल्मी मा माम्चुनीकु गोनोम थेसिथेन्मु मेभापा ल्वा वो रेम्बोमी। ११ मुचु गोनोम मुचुकु न उ गोका कोडडा च। मेम्साकाडा माम्चुनीकु न माम्चुनीकु पेलडाम वाडमिम सुकावो मेच। १२ गुई सुम्दीसेरडाम पेल ल्वास्तिम मेएँ, लावो माम्चुनीका गुईलाई ग्वाक्साड्डामिम खोत्ले ल्वा थेसिथेडीनु ज्वाक्साका माम्चुनीलाममिम पेल ल्वास्तिम बु। १३ उहेम ल्वा गुकु जेकु मेर्मिम ल्वा मुचुकु नेप्चीलाम सीसिक्तोकोम मेएँ लावो माम्चुनी-पेलका सीत्तिकीम होम्साका माम्चुनी-पेल ल्वापामिमलाई आच्छाडाकाम माम्चुनी-पेलकु ल्वा सोकु। १४ माम्चुनी-पेल मान्थिम मुचुका माम्चुनीकु पेललाम रोकपा ल्वामिम मेरडु। मेर्मिम ल्वा मेरामकाम लागि हाम ना हामकाम दुम, मा मेर्मिम ल्वा मेरामका थेसिथेन्मु मेचाप्सु, हेडालोने मेर्मिम ल्वा माम्चुनी-पेललाम कोडडा थेसिथेन्मु भांम। १५ माम्चुनी-पेलनुडमा मुचुका जोपा नुड मेजोपा ज्वाक्साका खोत्ले ल्वा छाम्मु, लावो वाडिम सुका वो गुलाई ने छाम्मु मेचाप्सु। १६ माम्चुनीकु सिजेमका आरे ज्वा,

“सुका डाचोकु न च?

सुका गुमीलाई सीमु चाप्सु?”

लावो गुईनुड ने ख्रीष्टकु न बु।

मण्डली फ्वाम्सिडिम

३ वा-ल्वाकनी, गानीनुड जेडडोलो माम्चुनी-पेलनुडमा मुचुमिमनुड जेडडोम होम्साका जेमु मेचापुवा, लावो सुम्दीसेरडाम मुचुमिम, ख्रीष्टडा मालो

गक्पा चोचोनुड होम्साका जेडडो। २ गो गानीलाई दुदु ग्वानीनी, डोमु मेभापा पोमु मेग्वानीनीवा, हेडालोने मेराम पोमु चापा मेबानीवा, आथावो गानी चाप्नीम मेबुनी। ३ गानी आथावो ओ सुम्दीसेरडाम मुचु होप्पामडा बुनी। गानी नाचुर बंबोनी मा छोकचो बंबोनी मालाहाम गानी सुम्दीसेरडाम मुचुमिम होप्पाम मेदुम्नीवा मा? ४ हेडालोने कोलेका “गो पावलकाम” मा कोडमीका “गो ने अपोल्लसकाम” ज्वानी माला हाम गानी सुम्दीसेरडाम मुचु होप्पाम मेदुम्नीवा मा?

५ अपोल्लोस सु मा? मा पावल सु मा? गुचुकु ने माम्चुनीकु डुल्यो कोडडा, उहेमलामका गानी थोर लुल्नी। डाचोका बेबेच्चिकिमिम आची खारी गुचुकु बेच्चोकोम सो। ६ गो भ्रल खिल्लित्तो, अपोल्लोसका कु फिक्तु, लावो माम्चुनीकाडा बर्बेटिमडी। ७ खिल्ला मुचु हाम वो मेएँ, कु फिक्पा मुचु वो हाम वो मेएँ। लावो बर्बेट्पा माम्चुनी डोक्पु सो। ८ खिल्ला नुड कु फिक्पा निफीकाम खारी ने कोले डा सो। मेर्चिपका उची खारीकाम पुरस्कार ल्वाची। ९ हेडालोने गुचुकु निफीडा कोयोकोयो माम्चुनीकु खारी बेपा सो। गानी ने माम्चुनीकु ब्याडसी, मा माम्चुनीकु नेम सो।

१० माम्चुनीका गौलाई दिदाम ग्वाडडीमिमका नेम बनेबेसी थेट्पा मुचु होम्साका फार गत्तो मा कोडनिमका मेरामडला नेम बनेबु। लावो मेरामडला बनेबेत्तो लक्पाका हंसाका बेनबोमु बबासिक्पा मेराम ल्वाडा चडचडया बुमु बासी। ११ हेडालोने येशू ख्रीष्टडा माम्चुनीका गट्टिमडिम नेमकु फार सो। वाडमिम सुका वो फार गन्मु मेचाप्सु। १२ कोडनिम मुचुका ओराम फारडला सोना, मत्तो, हापा थिकाम लुड, सड, लुसु लोवो परालका लोवो नेम बनेबोमी

†२.१० यशैया ६४:४

†२.१६ *यशैया ४०:१३

माला, ^{१३}मेराम खारी निया दुम्मिनेम मुलामका जोहोमका रेम्बेसी। मेम्मा खोत्ले मुचुका हेप्पाम खारी बेम्डिम बु मेराम मुका छाम्दु। ^{१४}मेराम नेमकु फारडला बनेबेपा मुचुकु खारी मुगोडा फिकीलो फोका मेदुप्सावा माला मेराम मुचुका पुरस्कार ल्वासु। ^{१५}मुका मेरामकु खारी घुडा माला मेराम मुचुकु खोत्ले खारी पुयुलुकु, लावो गु उ त्वाप ने मुलामका स्वाडडाम होम्साकाडा नुपा दुम।

^{१६}गानी ईनी त्वाप माम्चुनीकु सोरनेम सो, मा माम्चुनीकु पेल गानी गोडा बुमी ज्वाक्पा हाम गानी मेचनी? ^{१७}कोडनिमका माम्चुनीकु सोरनेम पुयुलुकु माला माम्चुनीका वो मेरामलाई पुयुलुबेन्मी। हेडालोने माम्चुनीकु सोरनेम संपा दुम मा मेराम सोरनेम गानीडा सो।

^{१८}सुका वो उ त्वापलाई ताडताहेरथो मेलनु। गानी गोडाम कोडनिमका उ त्वापलाई ओराम सुम्दीसेरडाम नेप्चीनुडमा मिम्सी माला गु नेप्ची मान्थिम दुम्नु, मेम्साका कोडडा आच्छाडाकाम नेप्चीनुडमा दुम। ^{१९}हेडालोने ओराम सुम्दीसेरकु नेप्ची माम्चुनीकु डादोडा नेप्ची मान्थिम ल्वा सो। माम्चुनीकु सिजेमका वो ज्वा,

“माम्चुनीका मे नेप्चीनुडमा मुचुमिमकु बाछेन्दा लिसीडा चुम्मी।”

^{२०}मेम्मा आथावो माम्चुनीकु सिजेमका ज्वा,

“नेप्चीनुडमा मुचुमिमकु न हाम ना हाम काम ज्वाक्पा डाचोका चमी।”

^{२१}मेम्मिमका मुचुका बोमु चाप्सुमिम खारीडा उहेमका वो उ नो मेल्वाक्थाटनु। हेडालोने खोत्ले ल्वा ईनीमाडा सो।

^{२२}पावल लोवो अपोल्लोस लोवो क्फेफास, मा सुम्दीसेर लोवो त्वारोम लोवो सिमु लोवो ओम्लो थारी लोवो दिफूम थारी लोवो खोत्ले ईनीमाडा सो। ^{२३}गानी ख्रीष्टकाम, मेम्मा ख्रीष्ट ने माम्चुनीकाम सो।

थुर्मा मुचुमिम ख्रीष्टकु डुल्चो

४ गुकु ख्रीष्टकु डुल्चो नुड माम्चुनीकु दुथाम थक्मा आच्छाडाकाम ल्वा सोमु खुन्चुम ल्वापा मुचु ज्वाक्साका मुचुमिमका गुकुलाई मिम्मुबासी। ^२मेम्मा आरसाका खुन्चुम ग्वाक्मा मुचु थोर लुईमिम दुम्मुबासी। ^३गानी लोवो वाडमिम मुचुका लोवो आमा लागि निया बोनीमिम ने आमा लागि हाम वो मेएँ। गो आ त्वाकाडा वो त्वापकु निया मेबेड। ^४गो हाम वो ख्लोत्तोम मिबु होडडा लुडु, लावो गो आच्छाडा मुमा बेन्लासोसिडडोम मिबु ज्वामु मालुमिम ने मेएँ। आमा निया बेपा ने डाचो बुमी। ^५मेम्मिमका डाचो येशू योमु डादो हाम वो निया मेबेनी। गुमीका डा तुकुम्चिमडा थक्मा ल्वा ओलडा रेन्मी, मा मुचुमिमकु न नुड गो वो रेम्बोमी। मेम्लो मुचुमिमका माम्चुनीलाम त्वा त्वाहोम डोक्पु बेला सोम्सिम।

^६वा-ल्वाकनी, गो गानीलाई “जोहोमका बुमु बासी” ज्वाक्साका ज्याक्मा ल्वा थोसिथेन्बेन्मु लागि आमा नुड अप्पोलोसकु दुथामिमिम ल्वा गो सोउतोम बु। आरसाका कोले कोडमीलाम बासिक्साका कोडमीलाई छेमछेम डमु जोपा मेएँ। ^७सुका गानीलाई वाडमिम मुचुडाम डोक्पु दुम्बेटनी? गानीनुड हाम बु मेराम गानीलाई माम्चुनीका ग्वाक्नीमिम मेएँ मा? माम्चुनीका ग्वाक्नीम माला हेडा गानी

†३.१६ ३.१६ ff ३:१६ *अय्यव ५:१३

†३.२० ३:२० *भ-सं-६४:११

†३.२२ केफास ज्वाक्मा ग्रीक ल्वाडा पत्रुस

डोकपु लिन्सिनी? ८ गानी खोत्लेका छोम लिन्ल्याटनीम बु ए! गानी खाचचीनुडमा दुम्नीम बु ए! गुकु मान्थीडा गानी हप दुम्नीम बु ए! हाम गानी आच्छाडा हप दुम्नीवाम माला गुकु गानीनुड साखाम मेथोकुवा मा? ९ क्वाल्बाडा घल्वापा मुचुमिमका सोपामा सिमु देन्दे ल्वापा चुम्मामिमलाई खोत्लेडाम चडडा जुल्मीमा लाम्दीबेन्मी । मे चुम्मामिमलाई होम्साकाडा माम्चुनीका गुकु थुर्मािमलाई वो खोत्लेडाम चडडा जुल्तिकिम बु। गुकु खोत्ले सुम्दीसेर, पाह्तीचो नुड मुचुमिमकु डादोडा रडमा दुम्तोकोम बु, ज्वाक्पा गोलाई लु । १० गुकु ने ख्रीष्टकाम लागि नेप्ची मान्थिम, लावो गानी ने ख्रीष्टनुड नेप्चीनुडमा बुनी ! गुकु ने मेचापा बुकु, लावो गानी ने युमनुडमा बुनी ! गानी ने खोत्लेका डोकपु बोनीमी, लावो गुकुलाई ने डोकपु मेबोकीमी ! ११ ओम्लो वो गुकु क्रुम-कोरा सिपा बुकु, आकी ये-सेम मिबु। गुकु याल्ला सोसिन्कु, नेम-किम मान्थिम बुकु। १२ आकी पोम-डुमुकाम लागि आकी त्वाकु ल्वाका ब्राम्दुल्वा बोकु। मुचुमिमका वाईतो बेन्कीमीलो गुकु जि-वा ग्वाकु। मुचुमिमका आकी थोमतेर्मिलो इम्सिन्कु। १३ मुचुमिमका आकीमा मेजोपा नड फोन्मिलो जोहोमका जेकु। ओम्लोसम्म वो गुकु सुम्दीसेरडाम घ्राम्लुपा तु नुड सुबुडाम फुकु दुम्तोकोम बु। १४ गानीलाई ईनी क्रोम लुबेन्मु ज्वाक्साका गो ओराम ज्याक्तो बेउमिम मेएँ, लावो आमा द्वादीबुड चोच्चोलाई होम्साका लुम्ला बेन्मु लागि सो। १५ ख्रीष्टडा गानीलाई सीपा मुचुमिम डार्मुडा मेभापा बुमी, लावो ईनीमा पाप ने सर्पा मेबुमी। गानीलाई जोपा-सेला थोबेसाका येशू ख्रीष्टडा गो ईनीमा पाप दुम्डोडोम बु। १६ मेमिमका गानी आमा बेसीबेनी ज्वाक्साका गो गानीलाई छोम

ज्वाडु। १७ ओरामकाम लागि डा गो तिमोथीलाई ईनीमाडा थुर्तोडा लेट्पु । गु डाचो येशूकु थोर लुईमिम आमा द्वादीबुड तारापाचो सो। गो खोत्लेथो मा खोत्ले मण्डलीडा सीतोमिम होम्साकाडा ख्रीष्ट येशूडा आमा त्वारोमडा गो हेसाका बुडुमिम बु, मेराम गुका गानीनुड सोयु।

१८ गो ईनीमाडा मेरोडु ज्वाक्पा मिम्साका गानीगोडाम कोडनिम डोकपु लिन्सिनीमिम बु। १९ लावो माम्चुनीका न बेम्डी माला गो ईनीमाडा दालाडा रोडु, मा मे डोकपु लिसिक्पा मुचुमिमका जेम्डिम ल्वा कोडडा मेएँ ममिमकु युम हाम रेछा मेराम रेपु। २० माम्चुनीकु किब्दी जेसीडा मेएँ, युमडा दुम। २१ गानी हाम द्वानी? गो गानीलाई याल्ला डुलुम्चो रेन्मु डे गो याक्के दुम्साका रिखाम रेन्मु?

मण्डलीडाम नाम्सुर

५ गानीगोडाम कोडनिमका नाम्सुर बेन्निम बु ए ज्वाक्पा ल्वा गो थोउतोम बु, मा गानीगोडाम कोलेका उमा रेन्दुमो माम डा जुल्लुम बु ए। आरेप्पाम नाम्सुर ने वाडसामामिमगोडा वो मेदुम। २ लावो गानी ने ईनी त्वापडा डोकपु लिन्सिनी! गानी ने ईनी न नोमु मेबासावा रे, मेम्मा आरेप्पाम खारी बेपा मुचुलाई ईनी सामा-घ्रोम्सीलामका र्लुमु मेबासावा? ३ आमा मिरोमडा गानीनुड मिबु (Recheck) लोवो आमा न ने गानीनुडडा बु। गो गानीनुडडा बुडुमिम होम्साकाडा आरेप्पाम घ्राम्लुपा खारी बेपाकु निया बोमु दुम्तोम बु। ४ गानी ईकी डाचो येशूकु नडडा खोम्सिनीलो आमा न नुड डाचोकु युम गानीगोडा दुम्लो, ५ मेराम मुचुलाई शेतानकु ल्वाड्डा ग्वाक्नी। मेम्मा मेरामकु छुल बेपा मिरोम ने पुयुलुनु मा डाचोका निया बोमीमिमनेम उमा पेल सेल्सीनु।

६ गानी डोकपु लिन्सिनीमिम ने जोपा मेएँ। कतिकलड खमिरका डोल्मा फुला खोत्लेडा खमीरनुडमा दुम्बेडु ज्वाक्पा हाम गानी मेचनी ? ७ ओँ डादोम छुलकु खमिर गानी पानी, मेम्साका गानी खमिर मान्थिम जोपा लाले फुला होड्डा सेपा दुम्नी, आच्छाडा गानी मेप्पाम डा बुनी। हेडालोने ख्रीष्ट ने गुडलाई सेल्मु लागि सासेन्सिम्डीम बु, गुमीडा ईकीमा सेल्सिमनेम चाडकाम भेन्दाचो सो। ८ मेमिमका गुई डादोम मेजोपा खारी नुड छुलनुड्डा डादोम खमीरकु सोबेम पेसाका मेएँ, लावो खमीर मेडोल्मा थोरलुईमिम नुड आच्छाडाकाम सोबेम पेसाका चाड मानेबिई।

९ नाम्सुर बेपामिमनुड कोदेप मेबानी ज्वाक्साका गो गानीलाई आमा सेला-खाजेमडा ज्याक्तोम बाईडा। १० मेराम ज्वाक्पा ओराम सुम्दीसेरडाम नाम्सुर बेपामिम, रारी बेपामिम, मुचुलाई रोटपामिम, मूर्ति सेव साटपामिमनुड कोदेप मेबानी ज्वाङ्गोम मेएँ। मेम माला ने गानी सुम्दीसेरलाम पाखा लुमु बासावा। ११ लावो उहेमका उ त्वाप ख्रीष्टडा थोरलुपा ज्वा मा वो नाम्सुर बु, रारी बु, मूर्ति सेव साडु, वाडमिमलाई डक्साका जे, छोम डुसेवा बु मा वाडमिमलाई रोडुमी, मेप्पाम मुचुनुड कोदेप मेबानी ज्वाक्साका ज्याक्तोम बाईडा। पोमु-डुमुडा वो मेप्पाम मुचुनुड मेपेनी। १२ मण्डलीडाम्मा पाखाडाम मुचुमिमकु निया बोमु आमा खारी मेएँ। लावो मण्डलीगोडाम मुचुमिमकु निया बोमु ईनीमा खारी मेएँ मा? १३ मण्डलीडाम वाडमिम मुचुमिमकु निया माम्चुनीका बोमी। माम्चुनीकु सिजेमका ज्वा, १४ “गानीगोलामका रुचो मुचुलाई र्लुन्सोटनी।”

थोरलुपामिमगोडाम रिबुसी

६ ल्वाकनुड रिबुसी किस्तुम बु माला निया बेलासोम्सिम माम्चुनीकु मुचुमिमकाडा मेलक्साका माम्चुनी डा थोर मेलुपा मुचुमिमकाडा हेसाका लमु चाप्सु मा? २ माम्चुनीकु मुचुमिमका सुम्दीसेरकाम निया बोमी ज्वाक्पा हाम गानी मेचनी? सुम्दीसेरकाम निया गानी बोनी माला याक्केतो रिबुसी ल्वा फ्यामु हाम गानी मेचामी? ३ गुई पाहीचोमिमकाम निया बिई ज्वाक्पा हाम गानी मेचनी? मेम माला ओराम सुबुडा गुईडला दुम्पाम बाट्पा ल्वाकु निया बोमु हेडा मेचाप्सी मा? ४ आरेप्पाम रिबुसीमिम गानीगोडा बु माला मण्डलीका हाम होड्डा मेलुपा पाखाडाम वाड नियाचोमिमकाडा गानी हेडा लनीमिम? ५ ईनी क्रोम लुबेन्मु लागि गो गानीलाई ज्वाङ्गु। वा-ल्वाककु रिबुसीडा न-थोम ग्रांम्बेन्मु चापा नेप्चीनुडमा मुचु गानीगोडा सुवो मेबुनी ? ६ लावो मेम मेबेसाका थोरलुपा कोले ल्वाक थोरलुपा कोडमी ल्वाककु कोथोलाम बक्साका मे थोरमेलुपामिमकाडा निया बेलासोसिण्डा लक्पा?

७ गानीगोडा कोलेका कोडमीकु कोथोलाम रिबुसी बोमुडा गानी सोटिनम ज्वाक्पा रेम्बु। मेम मेबेसाका, मेजोपा दुम्सी हेडा मेडम्मु? हेडा लु-फेले बेला मेसोम्सिम? ८ लावो गानी ईनी त्वाकाडा लु-फेले बोनी मा मेजोपा बोनी, मे वो ईनीमा त्वाकु थोरलुपा वा-ल्वाकलाई डा!

९ रुचोमिमका माम्चुनीकु किब्दी मेल्वामी ज्वाक्पा हाम गानी मेचनी?

† ५.७ प्र: १२:१३, २१-२८

† ५.७ प्र: १२:१३, २१-२८

† ५.१३ *व्यव- १७:७, १६:१६, २१:२१, २२:२१, २४

नेच्ची मान्थिम मेदुम्नी। सुनुड लोवो अम्बाल्पामिम दुम्मुका, मूर्ति सेवसाट्पामिम, नाम्सुरु बेपामिम, बेश्या वोस्चोमिम, वोस्चोका वोस्चोनुड अम्पामिम, १० खुचुवामिम, रारी बेपामिम, डुसेवामिम डकसाका जेपामिम वाडमिमलाई रोट्पामिमका माम्चुनीकु किब्दी मेल्वामी। ११ गानीगोडाम कोडनिम वो आरेप्पामडा बान्नी। लावो माम्चुनीका गानीलाई सोल्नीमीमा छुलामका सेपा दुम्बेट्नीमी बु, मा डाचो येशू ख्रीष्टकु नडडा ईकी माम्चुनीकु पेललाम उनीमा डादोडा गानीलाई जोपा दुबेट्नीमिम बु।

मिरोमका माम्चुनीकु नड कोक्नी

१२ गानीगोडाम कोडनिमका आरे ज्वानी, “गोलाई बेबेद्वाक्पा ल्वा हाम लोवो बोमु चापु।” लावो खोतले ल्वाका जोपा मेबेसा। “गोलाई बेबेद्वाक्पा ल्वा हाम लोवो बोमु चापु।” लावो गो उहेम ल्वा काम वो डुल्यो मेदुम्डु। १३ गानी आरे वो ज्वाक्नी, “पोमु-डुमु ख्वाचेपकाम लागि, मा ख्वाचेप पोमु-डुमुकाम लागि।” ओराम आच्छाडा, लावो माम्चुनीका निफीडा पुयुलुबेन्मी। मिरोम नाम्सुरु बोमु लागि मेएँ, लावो डाचोकाम लागि सो, मा डाचो मिरोमकाम लागि सो। १४ माम्चुनीका उनी युमका डाचो येशूलाई सिमुलामका फम्डी, मा गुईलाई वो उनी युमका फक्सामी।

१५ ईनीमा मिरोम ख्रीष्टकु मिरोमगोडाम अंगमिम ज्वाक्पा हाम गानी मेचनी? हाम गो ख्रीष्टकु मिरोमडाम अंगमिमलाई बेश्या मेसेमकु मिरोमडाम अंग दुम्बेन्मु? मेम ने मेदुम्नु। १६ बेश्या मेसेमनुड अम्पा मुचु मिरोमडा मेरामनुड कोले दुम्ची ज्वाक्पा ल्वा हाम गानी मेचनी? हेडालोने माम्चुनीकु सिजेमडा ज्याक्पा, †“मेर्चिप निफीडा कोले दुम्ची” १७ लावो उहेम मुचु

डाचोनुड कोले दुम, मेराम मुचु गुमीनुड पेलडा कोलेडा दुम।

१८ नाम्सुरु मेबेनी। मुचुका वाडमिम हेप्पाम छुल बु लोवो मेराम मिरोमकु पाखालामिमिम दुम, लावो नाम्सुरु बेपा मुचुका उ त्वाकु मिरोमकाम कोर्थालाम छुल बु। १९ ईनी मिरोम माम्चुनी पेलकु सोरनेम सो, मेराम पेल गानीगोडा बुमी, मेराम माम्चुनीलाम ल्वान्नीम ज्वाक्पा हाम गानी मेचनी? गानी ईनी त्वाप ने ईनी त्वाकामडा मेएँ। २० गानीलाई माम्चुनीका थि सोक्साका भ्रेन्निमिम सो। मेम्मिमका गानी ईनी मिरोमकाडा माम्चुनीलाई डोकपु बेनी।

लालीकुन्दा

७ गानी ज्याक्साका गोलाई हिला बेन्निम ल्वाकु दुथाम आरे ज्वाडु, वोस्चोका लालीकुन्दा मेबुमिमडा जोपा दुम। २ लावो हापा नाम्सुरु दुममिमका खोतले वोस्चोकाम उनी त्वाकामडा नाईमे दुम्मुबासी, मा खोतले मेसेमकाम उनी त्वाकामडा वोचु दुम्मुबासी। ३ वोचुका उ नाईमेनुड बोमु बासिकपा खोतले खारी बुनु मा नाईमेका वो वोचुनुड बोमु बासिकपा खोतले खारी बुनु। ४ नाईमेकु मिरोम उ त्वाकाम मेएँ, लावो उ वोचुकाम सो। मेम्साकाडा वोचुकु मिरोम उ त्वाकाम मेएँ, लावो उ नाईमेकाम वो सो। ५ वोचु-मोचु अम्मुडाम उची त्वापलाई मेबोचीनु। वाड बोचीडा लोवो त्वाप-त्वापडा मुलु बेसाका सोम्दी बोमु लागि कतिदुपा थारीका वाड दुम्नी। मेम्मा आथावो कोयोडा बानी। मेम्मा आथावो कोयो बानी, मेएँ माला ने ईनी त्वापलाई जोहोमका मेजुल्नीमिमका शैतानका गानीलाई छुल वाम्बेन्मु चाम्नी। ६ ओराम ल्वा गानी बोमुडा बासी ज्वाडडोम मेएँ, लावो बोमु चाम्नी ज्याक्साका लुम्ता

बेटिननिम कोडडा ज्वाडु। ७ खोत्ले मुचुमिम गो होडडा त्वापडा बुमीनु ज्वाक्पा न बेउ। लावो खोत्ले मुचुका माम्चुनीलाम त्वा-त्वाहोम राप्लावा ल्वाम्डिम बु, कोलेका कोखालकाम कोडमीका वाडखालकाम।

८ लालीकुन्दा मेबेपामिम नुड अर्दोमेमिमलाई गो ज्वाडु, मेर्मिम गो होडडा लालीकुन्दा मेबेसाका बुमी माला मेर्मिमलाई जोपा दुम। ९ लावो मेर्मिमका उनीमा त्वापक न बन्यु मेचाम्मी माला लालीकुन्दा बोमीनु। हेडालोने वाडमिमनुड अम-अम द्वाक्तो बुमुडाम ने लालीकुन्दा बोमुडा जोपा दुम।

१० लालीकुन्दा बोमु दुम्पामिमलाई गो आरे बेबेनीनी (गो बेबेनीनीमिम मेएँ, लावो डाचोका बेबेनीनीमिम सो): मोचुका उ वोचु मेडिडनु। ११ गुका डिडुडा लोवो गु लालीकुन्दा मेबेसाका बुमुबासी मेएँ माला गु उ वोचुनुड दुसाका बुनु। मेम्मा वोचुका वो उ नाईमेलार्ड मोडिडनु।

१२ वाडमिमलाई गो ज्वाडु ओराम डाचोका ज्वाम्डिम मेएँ, लावो गो ज्वाडडोम सो, कोडनिम वा-ल्वाककाम नाईमे येशूडा थोरमेलुपा बु, मा गुका उ वोचुनुड बुमु न बु माला गुका उ नाईमे मेडेटनु। १३ कोडनिम मसेमकु वोचु येशूडा थोरमेलुपा बु, मा गुका उ नाईमेनुड बुमु न बु माला मरामका उ वोचु मेडेटनु। १४ हेडालोने थोरमेलुपा वोचु उ नाईमे थोर लुपा बुमिमका माम्चुनीमका रमु घ्रेट्पा दुम, मेम्साका डा थोरमेलुपा नाईमेकाम वो उ वोचु थोर लुपा बुमिमका माम्चुनीका रमु घ्रेट्पा दुम। मेएँ माला ने उचीमा चोच्चोमिम मसेपा दुम्मीवा, लावो मेर्मिम ने माम्चुनीका रमु घ्रेट्पाडा बुमी।

१५ लावो थोरमेलुपाका फ्वासीमु न बु माला फ्वासी लोवो फ्वासीनु। मेराम थारीका थोरलुपा मे रिचो लोवो वोस्चो लोवो बादे-बादे मेदुम। हेडालोने माम्चुनीका गुईलाई न-गो भ्रसिक्तो बुमु येसाड्डामिम सो। १६ थोरलुपा नाईमेनी हाम गानी मेचनी, गानी थोरडा बुनीमिमका ईनीमा वोचुमिम वो थोरडा रोमु चाम्मी डे? मेम्साकाडा थोरलुपा वोचनी हाम गानी मेचनी, गानी थोरडा बुनीमिमका ईनीमा नाईमेमिम वो थोरडा रोमु चाम्मी डे?

माम्चुनीका गानीलाई येट्निमडा डा बानीम बानी

१७ माम्चुनीका येट्निमीलो डादो गानी खोत्लेडा हेप्पाम बासीडा बानी मा डाचो येशूका गानीलाई हामकाम लागि थुट्निमीमिम बु, मेम्साका डा गानी बानीम बानी। खोत्ले मण्डलीका बोमु बासिक्पा आमा सीसि वो ओराम डा सो। १८ हाम कोड मुचु माम्चुनीका येन्मु डादो उ खिरिरी क्रिप्सी दुस्ताम बाईडा? मेम माला खिरिरी क्रिप्सी मेबेम्मा होप्पाम दुम्मु मेमाल्नु। हाम कोड मुचु माम्चुनीका येन्मु डादो उ खिरिरी क्रिप्सी मेबेम्मा बाईडा? मेम माला गुका उ खिरिरी क्रिप्सी मेबुनु। १९ हेडालोने खिरिरी क्रिप्सी बोमु नुड मेबोमु हाम वो मेएँ, लावो माम्चुनीका ज्वामीमिम होम्साका बोमुडा डोक्पु सो। २० गानी हेप्पाम बासीडा बान्डीलो माम्चुनीका येट्मीडिम बाईडा, मेरामडाडा गानी खोत्ले बानीम बानी। २१ माम्चुनीका येट्नामीलो हाम गाना डुल्चो बान्ना? मिम्ताम-सोर्ताम मेबे, लावो गाना डुल्चो बासीलाम वाड दुम्मु चाम्नामा माला मेमडा बे। २२ हेडालोने माम्चुनीका डाचो येशूडा येट्मिडीलो उहेम मुचु डुल्चो बाईडा, मेराम मुचु

१७.१२ १० पददा रेम्नीलो डाचो येशू ओराम सुम्दीसेरडा बाम्डिलो ज्वाम्डिम ल्वा सो। लावो १२ पददा ने गुमी सुम्दीसेरडा बाम्डिलो सीट्मिडिम ल्वा ने मेएँ। ओराम ने पावलकु सीसि सो।

डाचोकाम लागि उ दाप होसिक्पा दुस्ताम बु। मेम्साकाडा माम्चुनीका येटिमडीलो उहेम मुचु दुल्चो मेबायावा मेराम ओम्लो खीष्टकु दुल्चो दुस्ताम बु। २३ माम्चुनीका ईनीमा थि साम्डीमा भ्रेन्नीमिम बु, मेम्मिमका मुचुमिमकु दुल्चो मेदुम्नी। २४ वा-ल्वाकनी, गानी खोत्ले माम्चुनीका येटिनमीलो हेप्पाम बासीडा बान्नी, मेड्डा माम्चुनीनुड बानीम बानी।

लालीकुन्दा मेबेपा रिचो नुड अदामेकु दुथाममि ल्वा

२५ लालीकुन्दा मेबेथेडा बाट्पामिमकु दुथाम गानीलाई बेबेन्मु बासिक्पा डाचो येशका गोलाई ज्वाम्डिम ल्वा हाम वो मिबु। डाचोकु न-थोमका माम्चुनीकु थोरलुईमिम मुचु दुम्डोडोमका आमा नडाम ल्वा गो गानीलाई ज्वाडु। २६ ओम्लोम दुखा रेण्डीलो गानी हेप्पाम बासीडा बुनीमिम बु, मेम्साकाडा बुनीमिम जोपा दुम ज्वाक्पा गोलाई लु। २७ हाम गानी लालीकुन्दा बेन्निम बु? मेम माला नाईमेनुड फ्वाम्सिमु मेमाल्नी। लालीकुन्दा मेबेथेडा बुनी? मेम माला लालीकुन्दा बोमु मेमाल्नी। २८ लावो गानी लालीकुन्दा बोनी माला छुल बोनीमिम ने मेदुम। लालीकुन्दा मेबेथेडा बाट्पा रिचोका लालीकुन्दा बुलो छुल बुडुम मेदुम। लावो लालीकुन्दा बेपामिमका ओराम मिरामडा छोम दुखामिम ल्वामुबासी, मा गो गानीलाई ओराम दुखाडाम गेमु माल्निनी। २९ वा-ल्वाकनी, गो गानीलाई ज्वामु मालुमिम ल्वा ओरामडा सो, डाचो दालाडा योमी। आथाडा आनो नाईमे बाट्पामिमका नाईमे मेबाट्पा होप्पामडा दुम्साका बुमीनु। ३० खापामिम मेखापा होप्पाम, मा गेसिद्व्वाक्पामिम गेसिमेद्व्वाक्पामिम होप्पाम दुम्मीनुमा बुमीनु। भ्रेपामिमका उ त्वाप नुड हाम वो

मेबाट्पा होडडा लुनु। ३१ सुम्दीसेरडाम सोजामिम मोक्पामिमका मेर्मिमडा न मेसोक्मिवाम होप्पाम दुम्मीनु। हेडालोने सुम्दीसेरकु ओम्लोम डाली दाम्मा ल ३२ गानी मिम्ताम-सोर्ताम मेबेसाका बानी ज्वाक्पा आमा न बु। लालीकुन्दा मेबेपा मुचुका हेसाका डाचो येशलाई गेसिबेट्पा ज्वाक्साका डाचोकु दुथामडा मिम्ताम-सोर्ताम बु। ३३ लावो लालीकुन्दा बेपा मुचुका ने उ नाईमे हेसाका गेसिबेन्मु ज्वाक्साका सुम्दीसेरडाम ल्वाडा मिम्ताम-सोर्ताम बु। ३४ मेराम मुचुकु न नले दुम। मेम्साकाडा लालीकुन्दा मेबेपा रिचोका मिराम नुड न-गो निफीडाडा हेसाका सेपा दुम्मु ज्वाक्साका डाचो येशकु दुथाम मिम्ताम-सोर्ताम बु। लावो लालीकुन्दा बेपा मेसेमका ने हेसाका उ त्वाकु वोचु गेसिबेन्मु ज्वाक्साका सुम्दीसेरडाम ल्वाडा मिम्ताम-सोर्ताम बु। ३५ गो इनीमा लागि पेर देन्मु माल्तोम मेएँ, गानीलाई जोपा दुम्मु ज्वाक्साका ओराम ल्वा ज्वाडुमिम सो। गानी वाडमिम ल्वाडा मिम्ताम-सोर्ताम मेबेसाका छोम न सोक्नीमा डाचोकु सोरलोले बेनीम बानी ज्वाक्पा आमा न बु। ३६ कोडनिम मुचुका उमाडा बिम्मा मेसेमलाई जोहोम मेबुमिम मिम्डु, मा मेराम मेसेमकु लालीकुन्दा बेपा दु लमु खाण्डुम बु, मा वो मे वोस्चोका लालीकुन्दा बोमु न बु माला लालीकुन्दा बुनु। ओरामडा हाम वो छुल मेदुम। मैचैपकाम लालीकुन्दा दुम्मु बासी। ३७ लावो उहेम मुचुका लालीकुन्दा मेबेउ ज्वाक्पा मिम्डुम बु गु सुकाम वो ल्वा मेथोसाका उ न बडुमा उमाडा बिम्मा मेसेमनुड लालीकुन्दा मेबेपा मुलु बु माला गुका जोपाडा बु। ३८ आरसाका उहेम मुचुका उमाडा विम्मा मेसेमनुड लालीकुन्दा बु मेराम मुचुका जोपा बु,

लावो उहेमका गुलाई लालीकुन्दा मेबु मेरामका हापा जोपा बु।

३६ वोचुकु साम बुमीमसम्म मोचुका वाडमिमनुड लालीकुन्दा बोमु मेल्वासु। लावो उ वोचु सिमिम चडडा उ न होप्पाम मुचुनुड लालीकुन्दा बोमु चाप्सु। लावो मेराम मुचु ने डाचो येशूडा थोरलुपा दुम्बुबासी। ४० लावो गुका लालीकुन्दा मेबेसाका बु माला छोम गेसीमु ल्वासु ज्वाक्पा लुडु। आमा गोडा वो माम्चुनी-पेल बुमी ज्वाक्पा गो लुडु।

मूर्तिलाई ग्वाक्पा पोमु-डुमु

मूर्तिलाई ग्वाक्पा पोमु-डुमुकु दुथाम गो ज्वाडु, गुई खोत्लेका च, गुई खोत्लेका नेप्ची ल्वास्तिम बु। नेप्चीका गुई डोक्पु लिसीबेसा, लावो रिखामका जोपा दुम्बेसा। २ उहेम मुचुका “गो कोडनिम ल्वा थेट्पु” ज्वाक्पा मिम्सी, गुका थेन्मु बासिकपा ल्वा आथावो मेथेथिडा बुमिम दुम। ३ लावो कोडनिमका माम्चुनीलाई रिखाम बु माला मेरामलाई माम्चुनीका छेमी।

४ मेम्मिमका मूर्तिलाई ग्वाक्पा पोमु-डुमुकु दुथाम ज्वाकी माला सुन्दीसेरडाम मूर्ति हाम वो मेएँ, मा कोले माम्चुनीडाम वाडमिम सुवो मेबुमी ज्वाक्पा ल्वा गुई चडिम बु। ५ मेम्मा सुबु नुड पाह्नीलाम नड कोडडा बाट्पा देवतामिम वो बुमी रोओ। “देवतामिम” नुड “डाचोमिम” आच्छाडा हापाडा बुमी ज्वामी, ६ लोवो ईकीमा लागि ने कोलेडा माम्चुनी पाप बुमी। गुमीका खोत्ले प्रडिमडी, उनीमा लागि गुई बुईमिम। ईकीमा लागि कोलेडा डाचो, येशू ख्रीष्ट सो, गुमीलामकाडा माम्चुनीका खोत्ले प्रडिमडी, मा गुमीलामकाडा गुई बुईमिम।

७ मेम्मा वो खोत्लेका ने ओराम मेचमी। मूर्ति आच्छाडा ज्वाक्साका कोडनिम मुचुकाम मूर्ति सेवसाट्पा बादुखाम दुम, मा मूर्तिलाई ग्वाक्पा पोमु-डुमु

मेर्मिमका पोमीलो मेराम ने आच्छाडाम देवतामिमकु सोरलोले बेसी ज्वाक्पा लुमी। मेम्मा मेर्मिमकाम जोपा नुड मेजोपा ल्वा छेमु मेचापा न बुमिमका मेराम पोमु-डुमुलामका “गो मेसेपा दुम्डोडो” ज्वाक्पा मिम्डु। ८ लावो पोमु-डुमुका गुईलाई माम्चुनीकु डादोडा लमु घेट्पा मेदुम्बेसा। मोप लोवो गुईलाई मेजोपा मेदुम, मा पि लोवो हाम वो जोपा मेदुम।

९ लावो चडचडया बानी वो, गानी वाड दुम्मिमका याक्के थोरनुडमा ईनी डोप्सोमिमलाई छुल मेबेबेडुमीनु। १० याक्के नेप्चीनुड थोरलुपा कोडनिम मुचुका गानी थेट्पा-चक्पा मुचुका मूर्ति सेव साट्पा सोरनेमगोडा पेन्नीम ल्वास्तु माला, मूर्तिलाई ग्वाक्पा पोमु हाम उ सो मेहन मा? ११ मेम्मा याक्के नेप्चीनुड थोरलुपा मुचु, उहेमकाम लागि ख्रीष्ट सिम्डी, मेरामलाई ईनीमा नेप्चीका पुयुलुकुतुम बु। १२ आरेसाका गानी थोरलुपा ईनी वा-ल्वाककु कोर्थोलाम छुल बोनीमा मेर्मिमकु याक्के नेप्ची नाबेनीलो, ख्रीष्टकु कोर्थोलाम गानी छुल बोनी। १३ मेम्मिमका गो हाम पेउ मेरामका थोरलुपा आमा वा-ल्वाकलाई छुल वामबेडु माला आथाडा आनो गो हेल्लो वो सो मेपेउ, मेम्साका वा-ल्वाकलाई छुल वाममेबेट्पु।

थुर्मािमिकु साखाम

हाम गो वो वाडमिम होम्साका त्वाकु नसीहोमका दोमु मेचापु मा? हाम गो थुर्मा मेएँ मा? हाम गो ईकी डाचो येशू ल्वाउतोमिम मिबु मा? हाम डाचोकु खारी बेसाका गो ल्वान्निमिम गानी डा मेएँ मा? २ गो वाडमिमकाम लागि थुर्मा मेएँ लोवो ईनीमा लागि ने आच्छाडा थुर्मा डा, हेडालोने डाचो येशूडा गो थुर्मा दुम्डोडोमिकु छेखोप गानीडा सो।

३ आमा कोर्थोलाम जेपामिमलाई गो आरे ज्वाडु। ४ हाम गुकु आकी

खारीलामका पोमु-डुमु मेल्वाकु मा?
 ५ हाम वाडमिम थुमामिम नुड डाचो
 येशूकु ल्वाकमिम नुड 'केफास का
 होडडा येशूडा थोरलुपा त्वाकु नाईमे
 त्वापनुड लाम्दीबेन्मु गुकु मेल्वाकु
 मा? ६ डे हाम गो नुड बारनाबासका
 कोडडा आची ख्वाचेप डुल्लु लागि
 खारी बोमु बासी मा? ७ त्वाकाम पेसाका
 सुका सिपाहीकु खारी बु मा? अडगुर
 खिलपाका सुका अडगुर मेपु मा?
 पितु-मेसु डुलुमा सुका मेरामकु दुदु मेडुडु
 मा?

८ हाम गो ओराम मुचुकु नलामिम
 ल्वा कोडडा ज्वाडुमिम मा? माम्चुनीकु
 डुम्लाका वो हाम आरेडा मेज्वा मा?
 ९ मोशाकु डुम्लाडा आरेसाका ज्याक्मा
 बु, “दाँड बौनीलो बेनोकु सि मौला
 मेबटनी।” १० हाम बेनोकाम लागि कोडडा
 माम्चुनीका मिम्ताम-सोर्ताम बोमी
 मा? १० हाम गुमीका ईकीमा लागिडा
 आरे ज्वाडिम मेएँ मा? आच्छाडा
 ओराम ईकीमा लागिडा ज्याक्मा सो,
 हेडालोने ब्याँडसी भोपाका मा-के
 ल्वापा नका भोडु, मा दाँड बेपाका
 वो मा-के ल्वापा नका डा दाँड बु
 । ११ गानीगोडा गुकु त्वारोमकु भ्रल
 फोत्तोकोम बु माला आकीमा मिरोमकाम
 लागि हाम गानीलाम हाम हुम रमु मेनु
 मा? १२ वाडमिम मुचुका गानीलामका
 ख्लोलासोमिसमु ल्वामी माला हाम गुकु
 मेर्मिमडाम हापा ल्वामु बासिक्पा मेएँ
 मा? लावो गुकु ने मेम मेबेकुवा, येशू
 ख्रीष्टकु दुथाममिम जोपा-सेला थोबेन्मु
 मेभोम्सीनु ज्वाक्साका गुकु खोत्ले
 इक्कु। १३ सोरनेमडा खारी बेपामिमका
 सोरनेमलामका पोमु ल्वामी, मा
 सासेन्खोपडा लाले-पाडके बेपामिमका
 सासेन्खोपडा ग्वाक्मा भेटीलाममिम
 दोदोया ल्वामी ज्वाक्पा हाम गानी

मेचनी? १४ मेम्साकाडा उहेमका जोपा-
 सेला थोबेन्मी, मेलामकाडा मेर्मिम
 दुल्सीमीनु ज्वाक्साका डाचो येशूका वो
 ज्वाम्डी।

१५ लावो गो ल्वामु बासिक्पा ओर्मिम
 ल्वामिम कोले वो रउतोम मिबु, मा
 आमा लागि आरेप्पामडा बेडसाडनी
 ज्वाक्साका गो ओर्मिम ल्वा ज्याक्तोम
 मेएँ। आर्मिम ल्वामिम हाम वो मेरसाका
 डाचोकु लाले पाडके बोमु आमा
 लागि धक्ची ह्वामु सो, मेराम धक्ची
 ह्वामुलाई कोडनिमका भोम्मी माला
 ने आमा लागि सिमुडा जोपा दुम।
 १६ जोपा-सेला थोबेन्मुडा आमा धक्ची
 ह्वामु ल्वा हाम वो मिबु। ओराम
 गो थोबेन्मुडीडा बासी। जोपा-सेला
 मेथोबेटपुमीवा माला ने गोडला आइतो
 रोनु। १७ गो आमा त्वाकु नकाडा जोपा
 सेला थोबेटपा खारी बेउवाम माला गो
 हाम हुम ल्वापा न बेउवा । लावो ओराम
 गो बोमुडा बासी, हेडालोने माम्चुनीका
 ओराम खारी गो बोमु ज्वाक्साका आमा
 ल्वाड्डा ग्वाड्डीमिम बु। १८ मेम माला
 गो हाम ल्वाउ? सुनुड वो खउलुड
 मेरसाका जोपा-सेला थोबेन्मु डा जि
 ल्वापा ल्वा सो। मेम्मिमका जोपा-सेला
 थोबेटपुमीलो गो ल्वामु बासिक्पा हेल्लो
 वो मेबिउ।

१९ गो सुकाम वो डुल्चो मेएँ,
 लोवो ख्रीष्टडा हापा मुचुमिमलाई
 थोर लुबेन्मु लागि खोत्लेकु डुल्चो
 दुम्डोरोम बु। २० यहूदीमिमनुड खारी
 बउतोलो मेम्मिमका ख्रीष्टडा थोर लुमीनु
 ज्वाक्साका गो यहूदीमिम होप्पमाडा
 दुम्डोरो। गो डुम्ला होम्साका मेदोपा
 लोवो डुम्ला होम्साका दोपामिमलाई थोर
 लुबेन्मुमी लागि डुम्ला होम्साका दोपा
 होप्पामडा दुम्डोरो। २१ यहूदी डुम्ला
 होम्साका मेदोपा वाडसामामिमनुड

१६.५ *केफास' ज्वाक्मा पत्रुस

१६.६ व्या, २५:४

खारी बेउतोलो मेर्मिमका ख्रीष्टडा थोर लुमीनु ज्वाक्साका गो यहूदी दुम्ला होम्साका मेदोपामिम होप्पामडा दुम्डोडो। गो ज्वामु माल्तोम ल्वा ने माम्चुनीकु दुम्लाडाम गो वाड मेबुडु, लावो ख्रीष्टकु दुम्ला होम्साका दोडु।^{२२} याक्के थोरनुडमा मुचुमिमका ख्रीष्टडा थोर लुमीनु ज्वाक्साका याक्के थोरनुडमा होप्पाम दुम्डोडो। मेम्साका गो खोत्ले मुचुका हेसाका लोवो ख्रीष्टडा त्वारोम ल्वामीनु ज्वाक्साका मेर्मिम मुचु होप्पाम डा दुम्डोडो।^{२३} जोपा-सेलाकु जि-वामिमकाम दोदोवा ल्वाउनु ज्वाक्साका गो ओर्मिम खोत्ले बेउ।

^{२४} ओन्सीडा खोत्ले ओन्पामिम ओन्मी, लावो पुरस्कार ने कोलेका कोडडा ल्वासु ज्वाक्पा हाम गानी मेचनी? मेम्मिमका पुरस्कार ल्वापा बेसाका गानी ओन्नी।^{२५} ओन्सीडा ओन्पा मुचु खोत्ले दोसीडा चडचडया दुम्साका जोहोमका दोपा दुम्मी। पुयुलुक्पा मुकुटकाम लागि मेर्मिमका मेम बोमी, लावो गुई ने हेल्लो लो वो पुयु मेलुक्पा मुकुटकाम लागि आरे बिई।^{२६} मेम्मिमका गो हाम वो मेडापा होम्साका मेरेडा मेओन्डु। मेरेडा मुट्की ओपा होडडा गो मुट्की मेओपु।^{२७} आ त्वाका त्वापलाई योपु, मा जोहोमका जुलु, मेएँ माला ने वाडमिमलाई जोपा-सेला थोबेट्पुमीमिम चडडा गो पुरस्कार ल्वामु मेघेट्पा दुम्डु।

इसाएलडाम सुम्दीमोलोम ल्वालामका चडचडया बुमु सीन्सिदनी

१० वा-ल्वाकनी, मोशाकु चडचड लाम्दीपा ईकी डाउ-खुउमिमलाई हाम दुस्ता ज्वाक्पा गो गानीलाई मिम्बेन्मु आमा न बु। मे खोत्ले डाउ-खुउमिम खासेकु बोसी-थासीगोयु हेवो मेदुम्साका

लालाम दिरिदिन भोसाका होनो होम्बु लम्डी।^२ आरेसाका मेर्मिम खोत्लेका मोशाकु चडचड लाम्दीसाका खासे नुड दिरिदिनडा कु-रुदुम रम्डी।^३ मेर्मिम खोत्लेका माम्चुनीका ग्वाम्डिम त्वारोमकु सोबेम पेम्डी,^४ मा खोत्लेका माम्चुनीका ग्वाम्डिम त्वारोमकु कु दुम्डी, हेडालोने मेर्मिमनुड कोयो-कोयो लक्पा पाहीलाममिम भ्वालामका पुट्पा कु मेर्मिमका दुम्डी। मेराम भ्वा ने ख्रीष्ट बाम्डी।^५ लावो मेर्मिम गोडाम हापा मुचुनुड माम्चुनी मेगेर्सिप्पीवा मा मेर्मिम ज्याङगो-ज्याङगोडा सिम्डी।

^६ मेर्मिमकाम होडडा मेजोपा न मेबिईनु ज्वाक्साका गुईलाई चडचडया बाबेन्मु लागि आरेप्पाम ल्वाका रेम्बेम्मा बु।^७ मेर्मिम गोडाम कोडनिमका बेम्डिम होडडा गानी मर्ति सेव मेसादनी। माम्चुनीकु सिजेमडा वो आरेसाका ज्याक्मा बु,[†] “मुचुमिमका गन्मिडीमा ग्रुला पेम्डी, दुम्डी मा मेर्मिम छोम्डा बम्डी।^८ मेर्मिम गोडाम याडका बेम्डिम होडडा गुई नाम्सुर बेसीमिनु, मेर्मिमका नाम्सुर बेम्डीमा कोलेमका नसड सड सुधुम सड(२३,०००) मुचु सिम्डी।^९ मेर्मिम गोडा याडका बेम्डिम होडडा गुई डाचोकु न छाम्सी मिनु। मेर्मिमका डाचोकु न छाम्मीडीमा मेर्मिमलाई ब्लोका सेड्डुमिम बाईडा।^{१०} मेर्मिम गोडाम याडका बेम्डिम होडडा गुई सुम्बुर्मा किसिमिनु। मेम बेम्डिमका डा सट्पा पाहीचोका मेर्मिमलाई सेड्डुमी।

^{११} मेर्मिम मुचुडला हा-हाम दुस्ताम मेर्मिम खोत्ले चडचडया बाबेट्पा ल्वामिम सो। मेर्मिम ल्वालामका गुईलाई चडचडया बाबेन्मु लागि ज्याक्मा बाईडा, हेडालोने गुई सुम्दीसेरकु हुक्पा थारीडा रोम्थिमु खाप्डीम बु,

^{१२} गानी जोहोमका येम्सिक्पा बुडु ज्वाक्पा मिम्नी माला चडचडया

बानी, मेएँ माला ने तामु वो चाम्नी।
 १३ मुचुमिमडला दुम्पा न छाम्सीडाम
 वाडमिम न छाम्सीडा गानी दुम्नीम
 मिबु। माम्चुनी थोरलुईमिम बुमी, गुमीका
 गानी इम्मु चाम्नीमिमडाम हापा न
 छाम्सी रोमेबेन्मी। गानी इम्मु चापा दुम्नी
 ज्वाक्साका गानीलाई न छाम्सीलामका
 लुकपा लाम्दी वो रेम्बेनीमी।

मूर्तिडा सासेट्मा ग्रुला नुड डाचोकु ग्रुला

१४ मेमिमका आमा द्वादिबुड
 वा-ल्लाकनी, मूर्ति सेव सान्मुडाम वाड
 बानी। १५ गानी नेप्चीनुडमा मुचु बुनी
 ज्वाक्पा मिम्साका गो हाम ज्वाडु,
 मेराम ल्वा गानी ईनी त्वाकाडा मिम्नी।
 १६ डाचो येशूकु ग्रुला पेखोपडा कान्चुरे
 रसाका गुई माम्चुनीलाई आलासो
 ग्वाकी। हाम गुई कान्चुरेलाम डुडिलो
 ख्रीष्टकु सिंसिडा दोदोवा डास्तिम मेएँ
 मा? मेम्मा गुई सोबेम चक्साका पिडरिलो
 हाम गुई ख्रीष्टकु मिरोमकु दोदोया
 डास्तिम मेएँ मा? १७ गुई सेर्पा लोवो
 खोत्लेका कोलेडा सोबेमडा दोस्तीमा
 पिईडिमका गुई खोत्ले कोलेडा मिरोम
 ज्वाक्पा रेम्बु।

१८ इसाएलडाम मुचुमिमलाई रेप्नी,
 सासेट्मा पोमुथोक पपामिम हाम
 सासेन्खोपडाम माम्चुनीकु लाले-
 पाडकेडा दोदोवा ल्वापा मेदुम्मीवा
 मा? १९ गो हाम ज्वाक्तोडा बेउमिम
 ?मूर्तिलाई ग्वाक्पा पोमुथोकमिमडा हाम
 डोकु ल्वा मा ? लोवो मूर्ति डा हाम
 डोकु ल्वा ? २० मेम ने मेएँ ! गो ज्वाडु,
 मूर्ति सेव साट्पामिमका सासेन्मीमिम
 न माम्चुनीलाई मेएँ, मुनाड-कुर्चाडलाई
 ग्वामीमिम सो। मेमिमका गानी मुनाडनुड
 हेमकेम मेबेनी ज्वाक्पा आमा न बु।
 २१ गानी डाचोकु कान्चुरे नुड मुनाडकु
 कान्चुरे निफीलामका डुमु मेचाम्नी। गानी
 डाचोकु पेखोप नुड मुनाडकु पेखोप

निफीलामका पोमु मेचाम्नी। २२ हाम गुई
 डाचोकु नो मेनुबेन्मु? हाम गुई गुमीडाम
 युमचो बुई मा?

माम्चुनी डोकु दुम्बेन्मु दोनी

२३ गानी आरे ज्वानी, “गुकुलाई
 बेबेद्वाक्पा ल्वा हाम लोवो बोमु चापु।”
 लावो खोत्ले ल्वाका जोपा मेबेसा।
 “गुकुलाई बेबेद्वाक्पा ल्वा हाम लोवो
 बोमु चाम्कु।” लावो खोत्ले ल्वाका जोपा
 मेबेसा। २४ सुका वो उ त्वाप कोडडा
 जोपा दुम्पा मेएँ, लावो वाडमिमकाम
 लागि जोपा दुम्मु ज्वाक्पा नकाम दुम्नु।
 २५ सो भ्रेन्खोपडा भ्रेट्मा उहेम सो लोवो
 ओराम सासेट्मा डे मेएँ ज्वाक्साका
 हिलाहिसी मेबेसाका पेनी। २६ हेडालोने
 माम्चुनीकु सिजेमका ज्वा “सुबु नुड
 मेगोडा बाट्पा खोत्ले मिप्रडमाकामडा
 सो।” २७ थोरमेलुपा कोडनिमका
 गानीलाई ग्रुला पण्डा येट्नी माला
 ईनी डादोडा हाम गन्सानी मेराम पेनी।
 त्वाकु नेप्चीकाम लागि हाम हिलाहिसी
 मेबेसाका पेनी। २८ लावो कोडनिम
 मुचुका गानीलाई “ओराम पोमु-डुमु
 न मूर्तिडला ग्वाक्पा” ज्वाक्ता माला
 मेपेनी। मेराम मुचुका उमा नगोडा पेसी
 मेनु ज्वाक्पा मिडुमका उमा नेप्चीकाम
 लागि मेपेनी। २९ गो ईनीमा नेप्चीका
 लागि मेएँ लावो मेम ज्वाक्पा कोडनिम
 मुचुकाम लागि ज्वाडडोम सो। गानी
 गोडाम कोडनिमका आरे ज्वानी डे हेडा
 वाडमिम मुचुकु नेप्चीगोडाम ल्वाका
 आमा दाप हासिक्पा ल्वाडा भोम्मी?
 ३० गो माम्चुनीलाई आलासो ग्वाक्साका
 पेतोडा बेउ माला, आलासो ग्वाक्साका
 पेम्मा पोमुथोककाम लागि वाडमिमका
 हेडा गोलाई मुमा बेन्डिमी?”
 ३१ मेमिमका गानी पोनी डुनी हाम
 बोनी लोवो माम्चुनी डोकु दुम्मीनु।
 ३२ सुलाई वो छुलडा वाममेबट्नी,

यहूदी दुम्नुका, ग्रीक दुम्नुका माम्चुनीकु मण्डली दुम्नु। ३३ हेसाका लोवो गो बेउमिम खारीडा खोत्ले मुचुलाई गेर्सिबेन्मुलाई छोम ब्राम्दुल्वा बेउ, आ त्वाप जोपा दुम्डुनु ज्वाक्पा न गो मेबेऊ, लावो वाडमिम खोत्ले मुचुमिमकाम लागि वो जोपा दुम्नु, मा मॉर्मिम खोत्ले सेल्सीमिनु ज्वाक्पा आमा न बु।

११ आमा बेसी बेनी, हेसाका गो वो ख्रीष्टकु बेसी बेउ।

सोरलोले बोमु थारीका बुई खेप्सी

२ खोत्ले ल्वाडा गानी गोलाई मिम्डीनी, मा गो गानीलाई ग्वानीमिम सीसि जेन्थानीमिमका, गो गानीलाई कोनीनी । ३ लावो गानी ओराम ल्वा चन्जोल्नी ज्वाक्पा आमा न बु, खोत्ले मुचुमिमकु उनी बुई ख्रीष्ट सो। मेसेमकु उ बुई उ वोचु, मा येशू ख्रीष्टकु उनी बुई माम्चुनी। ४ वोस्चोका सोम्दी बुलो लोवो माम्चुनीलाम जेलो बुई खेप्डु माला गुका उमा त्वाकु बुइ ख्रीष्टलाई क्रोम लुबेडु मा ५ मेसेमका सोम्दी बुलो लोवो माम्चुनीलाम जेलो बुई मेखेप्डु माला गुका उमा बुई वोचुलाई क्रोम लुबेडु मा गु ने उ सेम क्रिप्डु खुरूम मेसेम होप्पामडा दुम। ६ कोडनिम मेसेमका उ बुई मेखेप्डु माला उ सेम क्रिप्नु। लावो उ सेम क्रिप्डु लोवो खुरलो उ नो-कल ल माला गुका बुई खेप्नु। ७ वोस्चोका उ बुई मेखेप्नु हेडालोने गु माम्चुनीकु डाली सो मा उमाडा माम्चुनीकु युम भवाक्सी रेम्बेसी। लावो मेसेमडा ने वोस्चोकु युम भवाक्सी रेम्बेसी। ८ हेडालोने वोस्चो मेसेमलामका दुस्ताम मेएँ, लावो मेसेम वोस्चोलामका दुस्ताम सो। ९ मेम्साका मेसेमकाम लागि वोस्चो प्रडस्ताम मेएँ, लावो वोस्चोकाम लागि मेसेम प्रडस्ताम सो। १० मेम्मिमका मा पाहीचोमिमका रेम्थामीमिमका उमा वोचुकु साखामगोडा

बुडु ज्वाक्पा रेम्बोमु मेसेमका उमा बुई खेमु बासी।

११ लोवो डाचोकु मुचुमिमगोडा मेसेम वोस्चो मेदुम्थुम मनु, मा वोस्चो मेसेम मेदुम्थुम मनु। १२ हेडालोने मेसेम वोस्चोलामका दुस्ता, मेम्साकाडा वोस्चो वो मेसेमलामका ग। लावो खोत्ले माम्चुनीलामका दुम। १३ गानी ईनी त्वाकाडा मिम्सीटनी, बुई मेखेप्साका माम्चुनीडा सोम्दी बोमु मेसेमलाई घडु मा? १४ वोस्चोका धुपा सेम डुल्लु माला उ नो-कल ल ज्वाक्पा हाम छयाडलो-छयाडलो मिबु मा? १५ लावो मेसेमकाम धुपा सेम बु माला मेराम उ जोप्सी सो। हेडालोने धुपा सेम उ बुई खेमु लागि गुलाई ग्वाक्पा सो। १६ कोडनिमका ओराम ल्वाकु दुथाम रिबुसी किन्मु न बोमी माला गुईनुड ओरामडाम वाडमिम बेसीलाम मिबु, मा माम्चुनीकु मण्डलीमिमडा वो मिबु।

डाचोकु गुला

१७ आथा ने गो ज्वाक्तोडा बेउमिम ल्वाडा गानीलाई मेकोनीनी। हेडालोने गानी मण्डलीडा घोम्नीलो जोपा खारी मेएँ, मेजोपा खारी बोनी। १८ गो ज्वामुडा बासिलो, गानी मण्डलीडा कोदेप खोम्सीनीलो गानी गोडा गो-फ दुम ए ज्वाक्पा गो थोउ। कोडनिम ल्वा आच्छाडा वो दुम्मु चाप्सु। १९ गानी गोडाम आच्छाडाकाम मुचु छेम्सिम गानी गोडा गो-फ दुम्मुडा बासी डे! २० गानी कोदेप दुम्साका पोनी-डुनीमिम ने आच्छाडा डाचोकु गुला मेएँ। २१ हेडालोने गुला पोनीलो सुलाई वो मेलसाका गानी इनी त्वाका रेनीमिम त्वा-त्वाहोम पोमुथोक पोनी, मेम्मा मेबाटपामिम ने मान्जाडा दुम्मी, मा याड डुका सेडुमी। २२ पोमु-डुमुकाम लागि हाम त्वा-त्वाहोम ईनी नेम मिबु? डे माम्चुनीकु मण्डलीलाई हाम होडडा वो

मेमिम्नी मा उनी हाम वो मेबाट्पामिमलाई क्रोम लुबेनीमिम? गो गानीलाई हाम ज्वामु? हाम गानी आरे बोनीलो जोपा बेन्नी ज्वामु? गो हेल्लो वो मेम मेज्वाडु?

२३ हेडालोने डाचोलाम गो हाम ल्वाउतो मेराम गो गानीलाई ग्वाक्निमि बु। डाचो येशू चुम्लासोमिस्मिडिम सिन्था गुमीका सोबेम भेटिमडी, २४ मा माम्चुनीलाई आलासो ग्वाम्डी। मेम्मा गुमीका मे सोबेम फ्वाक्चोल बेम्डी मा, “ओराम ईनीमा लागि ग्वाक्मा आमा मिरोम सो। गोलाई मिम्मु आरे बेनी।” २५ मेम्साकाडा पेम्डीमा गुमीका कान्चुरे भेटिमडी, मा ज्वाम्डी, “ओराम कान्चुरे आमा सिसिडाम लाले सोरखेप्पा सो। गानी हाम्सी ओराम डुनी, गोलाई मिम्मु आरे बेनी।” २६ आरेसाका गानी उहेम उहेम थारीका सोबेम पोनी, मा कान्चुरेलाम डुनी गुमी मेयोक्थमसम्म डाचो सिम्डिमकु दुथाम सोनीमिम दुम।

२७ मेमिमका उहेमका हाम होडडा वो मेलुसाका ओराम सोबेम पु, ओराम कान्चुरेलाम डुडु, मेराम मुचुका डाचोकु मिरोम नुड सिसिकु कोथोलाम छुल बुडुमका मुमा बेन्लासोसी। २८ मेमिमका सोबेम पोमु नुड कान्चुरेलाम डुमु डादो गानी खोत्लेका त्वाकु न-गो छाम्नी। २९ हेडालोने उहेमका डाचोकु मिरोम मेछेसाका पु मा डुडु, मेरामका पुडुम-डुडुडुमका उ त्वापडला देन्दे रेडु। ३० मेमिमका गानी गोडाम हापा मुचुमिम सो मान्थिम नुड नोपा बुनी, मा हाडको ने सिमु दुम्मीडिम बु। ३१ लावो गुई ईकी त्वाका त्वापलाईडा छाम्डीम बु माला गुई देन्दे मेल्लासी। ३२ सुम्दीसेरडाम मुचुमिमनुड मुमा बेन्लामसोसीडीनु ज्वाक्साका गुईलाई डाचोका ईकीमा निया बोमी मा देन्दे ग्वाक्सामी।

३३ मेमिमका आमा वा-ल्वाकनी, येशूकु गुला पोमु कोदेप खोमिस्नीलो कोलेका कोडमीलाई लन्बेबेनी।

३४ कोडनिम मुचु क्रुम सिपा बु माला गुका नेमडाडा पुनु, मेम्साका गानी कोदेप घोम्नीलो गानीडला देन्दे मेरोनु। वाडमिम ल्वाकु दुथाम गो रोडुमा सीनिनी।

माम्चुनी पेललाममिम राप्लावामिम

१२ वा-ल्वाकनी, माम्चुनी पेललाममिम राप्लावामिमकु दुथाम गानी मेचक्साका बानी ज्वाक्पा आमा न मिबु। २ गानी चनीमडा बु, गानी येशूडा थोरमेलुथेडा बान्नीलो जेमु मेचापा मूर्तिमिमथो लनीमा थामबाल्नीम बाईडा। ३ मेमिमका गानी आरेप्पाम ल्वा चक्नी ज्वाक्पा आमा न बु, मेम्मा माम्चुनीकु पेललामका जेपा सुका वो "येशूडला वाइतो रोनु" मेज्वा। माम्चुनी पेललामका कोडडा, "येशू डा डाचो सो" ज्वामु चाप्स।

४ माम्चुनी पेललाममिम राप्लावामिम हापा खालकाम बुमी, लावो राप्लावा ग्वाक्पा माम्चुनी पेल कोलेडा बुमी। ५ लाले-पाडके बेसीमिम हापा खालकाम बुमी, लावो गुई कोलेडा डाचोकु लाले पाडके बिई। ६ खारीमिम हापा खालकाम बुमी, लावो गुई खोत्लेडा कोले माम्चुनीकाडा खारी बोमी।

७ मण्डलीडा कोलेका कोडमीलाई र्लोमु लागि गुई खोत्लेलाई माम्चुनी पेलकु राप्लावा ग्वाक्साडुडामिम बु। ८ कोडनिमलाई माम्चुनी-पेललाम नेप्चीकु ल्वा जेपा, कोडनिमलाई मेरामडा पेललामका नकु ल्वा जेपा, ९ कोडनिमलाई मेराम पेललामकाडा थोरलुपा, मा कोडनिमलाई मेराम पेललामका नोपा मुचु सबेट्पा राप्लावा ग्वाम्डिम बु। १० पेलका कोड मुचुलाई यमखारीमिम बेपा यम ग्वाक्, मा कोडनिमलाई माम्चुनीलाम जेपा ल्वा, कोडनिमलाई पेललाम रोक्पा राप्लावा छेमु चापा, कोडनिमलाई वाड-वाड ल्वाडा जेमु चापा, कोडनिमलाई वाड-

वाड ल्वाडा जेम्डिम ल्वाकु दुथाम सोमु चापा राप्लावा ग्वाक्सामी। ११ ओर्मिम खोत्ले गुमी कोलेडा माम्चुनी पेलकु खारी सो। गुमीका खोत्लेलाई त्वाकु न बोमीमिम होम्साका राप्लावा ग्वामी।

कोले मिरोमडा हापा अंगमिम

१२ मुचुकु मिरोम गोडा हापा अंग बुमी, लोवो मे खोत्ले दुम्साका कोलेडा मिरोम बनेदुम। ख्रीष्ट वो मेप्पामडा सो। १३ गुई यहूदी लोवो ग्रीक लोवो, डुल्चो लोवो त्वाकु साखाम गोडा बाट्पा लोवो गुई कोलेडा माम्चुनी पेललामका कोले मिरोमडा कु-रुदुम रड्डिम बु। मेम्मा १ गुई खोत्लेका कोलेडा माम्चुनी-पेल ल्वास्तिम बु।

१४ मुचुकु मिरोम कोलेडा भागलामका कोडडा मेएँ, हापा भागलामका बनेदुस्ताम बु। १५ खेलका “गो ल्वा मेएँ, मेम्मिमका गो मिरोम गोडाम अंग मेएँ” ज्वाक्ता माला हाम मेराम मिरोम गोडाम अंग मेएँ मा? १६ मा नोफ्लाका “गो मिक्सी मेएँ, मेम्मिमका गो मिरोम गोडाम भाग मेएँ” ज्वाक्ता माला हाम मेराम मिरोम गोडाम अंग मेएँ मा? १७ खोत्ले मिरोम मिक्सी दुम्सावाम माला हामका थोमु? खोत्ले मिरोम नोफ्ला दुम्सावाम माला हामका मूर नेम्मु? १८ लावो माम्चुनीका उनी न होम्साका मिरोमडा खोत्ले भाग घोम्बेसाका जुल्मिडीम बु। १९ मेर्मिम खोत्ले कोलेडा अंग दुम्सावाम माला मिरोम हामकाम दुम मा? २० अंगमिम हापा बुमी लोवो मिरोम ने कोलेडा।

२१ मिक्सीका ल्वालार्ई “गाना गोलार्ई मेबासी” ज्वामु मेचाप्सु, मा बुईका वो खेललाई “गाना गोलार्ई मेबासी” ज्वामु मेचाप्सु। २२ मेम ने मेएँ, मिरोमडा बाट्पा खोत्लेडाम मेचापा ल्वासीमिम

अंगडा मेदुमथुम मेनुपा दुम। २३ मिरोमडा बाट्पा याक्के मिम्डीमिम अंग गुई जोहोमका जुली। रेम्बेसी मेनुपा अंगलाई गुई जोहोमका बोसाका जुलीमिम बु। २४ रेम्बेसी नुपा अंगमिम जोहोम बोमु मेबासी। लोवो माम्चुनीका मिरोमकु अंगमिमलाई जोहोमका घोम्बेटिमडीमा जुल्मिडिम बु, र मे याक्के मिम्मा अंगमिमडा वाडमिम अंगडाम डोकुपु मिम्सिडिम बु। २५ मेम्साका ईकी मिरोमडाम अंगमिमकु गो फ मेदुम्नु, लावो कोले अंगका कोडमीलाई कोहोप्पामडा मिम्मीनु। २६ कोले अंग नोडा माला खोत्ले अंग नोमी, कोले अंग डोकुपु बेला सोसिड्डा माला खोत्लेडा भ्रम्सिप्पी।

२७ गानी ख्रीष्टकु मिरोम, मा गानी खोत्ले ने मेराम मिरोमडाम भाग सो। २८ माम्चुनीका मण्डलीडा आरेसाका जुल्मिडीम बु, डादोमडा थुर्मािमिम, मेरामकु चडडा माम्चुनीलाम जेपामिम, मेकोतिमा सीपा मुचुमिम। मेम्मा हेल्लो वो मेल्वाम्मा खारी बेपामिम, मा नोपामिमलाई सबेट्पा राप्लावा ल्वापामिम, वाडमिमलाई र्लोपामिम, मण्डली रेपा बेपा मुचुमिम, वाड सामा ल्वा जेमु राप्लावा ल्वापामिम। २९ हाम खोत्ले थुर्मा मुचुमिम? हाम खोत्ले माम्चुनीलाम जेपामिम? हाम खोत्ले सीपा मुचुमिम? हाम खोत्ले युमखारीमिम बेपामिम? ३० हाम खोत्लेनुड नोपा मुचु सबेट्पा राप्लावा बु? हाम खोत्लेका वाड सामा ल्वामिम जेमी? हाम खोत्लेका वाड वाडल्वामिमकु दुथाम सोमु चाम्मी? ३१ लावो खोत्लेडाम जोपा राप्लावा ल्वापा छोम न बेनी।

मेम्मा गो गानीनुड ओरामडाम वो हापा जोपा लाम्दी सोउ।

११२.१३ ग्रीक ल्वाडा आरेसाका ज्याक्मा बु, “गुई खोत्लेका कोलेडा माम्चुनी-पेललाम डुमु ग्वासाड्डामिम बु।”

रिखाम

१३ गो मुचुमिमकु हापा सामाकाम
ल्ला नुड पाहीचोमिमकु ल्ला
जेडु, लावो आ गोनो रिखाम मिबु माला
गो ने सेका-सेका येपा पिडमा नुड घो
कोडडा दुम्डु। २ गोनुड माम्चुनीलाम
जेपा राप्लावा बु, खोत्ले थक्मा ल्ला नुड
नेप्ची थिसिथेन्मु चापु, मा पोपचड हेम्मु
चापा थोर बु लावो आ गोनो रिखाम मिबु
माला गो हाम वो मेएँ। ३ गो खोत्ले आ
खाप्ची उनी हाम वो मेबाट्पामिमलाई
दोउसाक्पुमी, मा आमा मिरोम चामु
ग्वाक्पु, लावो आ गोनो रिखाम मिबु
माला गो हाम वो मेल्वाउ।

४ रिखाम इम्मु चापा नुड न-थोमनुडमा
दुम। रिखामका नाचुर मेबु, डोक्पु
मेलिसी, नो मेल्वाक्थाडु। ५ रिखाम
बाक्छोर्मा मेदुम, त्वाकाम कोडडा
जोपा बेपा मेदुम। रिखामका छोक्चो
मेबु मा मेजोपा ल्ला नडा मेकुर्थाडु।
६ रिखाम मेजोपा ल्लाडा मेगेर्सी, लावो
आछाडाकाम ल्लाडा गेर्सी। ७ रिखामका
खोत्ले ल्ला इम्डु, खोत्ले ल्लाडा थोर लु,
हेल्लो लोवो जोपा ल्ला दुम ज्वाक्पा लु,
खोत्ले ल्लाडा इम्सिक्पा बुमु चापा दुम।

८ रिखाम हेल्लो वो मेदाम। लावो
माम्चुनीलाम जेसीमिम दाम, ल्लामिम
दाम, नेप्ची दाम। ९ गुई किचो कोड्डा
थिसिथेडिडम बु मा किचो कोड्डा
माम्चुनीलाम जेस्तिम बु। १० लावो
खोत्ले थिसिथेट्पा आच्छाडाकाम
ल्ला रोलो किचोम ओराम थिसिथेसी
ल्ला दाममा ल। ११ चोचो बाडडोलो
चोचो होप्माडा जेड्थाल्डोडो, चोचो
होप्माडा मिम्थाल्तो, चोचो होप्माडा
नडा ज्वाड्थाल्डोडो। लावो ओम्लो
गो स्वाला दुम्डोडो मा चोचो होप्माम
दुम्सी डेतो। १२ ओम्लो गुई ऐनाडा
ब्लाम-ब्लामया ल्लासीमिम होप्माम
ल्लासी, लावो मेमलो गुई छ्याडलो-

छ्याडलो ल्लासी। लावो ओम्लो गो
किकि कोडडा थिसिथेट्पु, माम्चुनीका
गोलाई छेडीमीमिम होम्साका मेमलो गो
जोहोमका थिसिथेट्पु। १३ थोर, हाम-हुम
ल्लापा न, नुड रिखाम ओर्मिम सुले हेल्लो
लोवो दुम्मीम बुमी। लावो ओर्मिम गोडा
खोत्लेडाम डोक्पु ने रिखाम सो।

माम्चुनीलामिम जेसी नुड
सामामिमकु ल्ला जेसी

१४ रिखामकु लाम्दी खाट्नी मा
माम्चुनी पेलकु राप्लावा
ल्लापा छोम न बेनी। मेरामडाम वो
हापा माम्चुनीलाम जेपा राप्लावा ल्लामु
छोम न सोक्नी। २ थिसिमेथेडिमिम वाड
सामा ल्लाडा जेपाका मुचुमिमनुड मेएँ
माम्चुनीनुड जे। गुका जेमिम ल्ला सुका
वो थिसिमेथेडु। थक्मा ल्लामिम गुका
माम्चुनीपेललाम जे। ३ लावो माम्चुनीलाम
जेपा मुचुमिमका सु लोवो मुचुमिमनुड
जेमी। गुका मेर्मिमलाई युमनुड बर्बेन्मु,
सो हन्बेन्सामु, मा न बन्सामु जेमी।
४ वाड सामामिमकु ल्लाडा जेपाका
उ त्वापलाईडा युमनुडमा बु। लावो
माम्चुनीलाम जेपा मुचुका ने मण्डलीलाई
युमनुडमा बु। ५ गानी खोत्लेका मे वाड
सामा ल्लाडा जेनी ज्वाक्पा न बेउ, लावो
मेरामडाम वो माम्चुनीलाम जेनीमिम न
बेउ। मण्डली युमनुडमा दुम्तो लमुकाम
लागि वाड सामा ल्लाडा जेम्मा ल्लाकु
दुथाम सोमु चापा मुचु सु वो मेबुमी
माला वाड सामा ल्लाडा जेमुडाम ने
माम्चुनीलामिम जेसीडा जोपा सो।

६ वा-ल्लाकनी, ईनीमाडा गो वाड
सामामिमकु ल्ला जेतो रोडु लावो
माम्चुनीका रेम्बेटिडरिमिम ल्ला,
नेप्चीनुमा ल्ला, माम्चुनीलामिम जेसी,
सीसिकु सिजेम मेरेट्पु माला गानीलाई
हाम जोपा दुम मा? ७ लिबुसाम नुड
वीणा होप्माम साम मान्थिम योडलेमकु
लोलाम जोहोमका मेलुकावा माला

हाम जेतोडा लेडु ज्वाक्साका सुका छेमु चाप्सु मा? ८ तुरही जोहोमका मेजेसावा माला क्वाल्बा बोमु लागि सु भोम्सीमिम? ९ गानीनुड वो अरेप्पाडा दुम। मुचुमिमका थिसिमेथेन्मीमिम वाड ल्वाडा गानी जेनी माला गानी हाम ज्वाक्तोडा लेनी ज्वाक्साका सुका थिसिथेडु मा? गानी जेनीमिम ने हाम ना हामकाम दुम। १० सुम्दीसेरडा आच्छाडा हापा खालकाम जेसीमिम ल्वा बुमी, लावो उहेम वो हाम ना हामकाम मिबु। ११ कोडनिमका जेमीमिम ल्वा थिसिमेथेट्पुवा माला उमा लागि गो वाड नेब्दीलामका रोकपा दुम्डु मा गु आमा लागि वाड नेब्दीलामका रोकपा दुम। १२ मेप्पामडा गानी वो माम्चुनीपेलकु राप्लावामिम ल्वामु छोम न बेन्नीमका मण्डली युमनुडमा दुम्तो लकपा राप्लावामिम मालनी।

१३ मेम्मिमका मे वाडमी ल्वा जेपा मुचुका मेराम ल्वाकु दुथाम सोमु चापा युम ल्वामु सोम्दी बुनु। १४ हेडालोने गो वाड सामा ल्वालाम सोम्दी बेउलो आमा गोका सोम्दी बु, लावो आमा नका ने हाम वो थिसिथेडुडुम मेदुम। १५ मेम माला गो हाम बोमु? गो आमा गोका सोम्दी बेउ मा थिसिथेट्पा आमा नका वो सोम्दी बेउ। आमा गोका काम्सो बेउ मा आ नका वो काम्सो बेउ। १६ इनी गोका माम्चुनीकु नड कोनीलो गानी जोहोमका आलासो ज्वानी लोवो गानी ज्वाक्तोडा बोनीमिम ल्वा वाडमिमका थिसिमेथेन्मी माला मेर्मिमका हेसाका “आमेन” ज्वामी? १७ गानी ने माम्चुनीलाई आलासो जोहोमका ग्वानी, लावो मेराम ल्वाका वाडमिम मुचुलाई युमनुडमा मेदुम्बेडु।

१८ गो माम्चुनीलाई आलासो ज्वाडु, हेडालोने सामामिमकु ल्वाडा गानीडाम गो हापा जेडु। १९ लावो मण्डलीडा सामामिमकु ल्वाडा कोसड-सड ल्वा जेमुडाम ने वाडमिमलाई सीमु

थिसिथेडीमिम डोले कोडडा ल्वा जेमु न बेउ।

२० वा-ल्वाकनी, चोच्चो होडडा मिम्मु डिडनी। मेजोपा ल्वाडा नमेछेपा चोच्चो होप्पाम दुम्नी, लावो ईनी मिम्सीडा ने न छेपा डाचो होप्पाम दुम्नी। २१ माम्चुनीकु सिजेमडा आरेसाका ज्याक्मा बु:

“हेल्लो वो ल्वामेथोम्मा वाड सामा ल्वा जेपा मुचुमिमलाम नुड वाडमिम नेब्दीलाम रोकपा वाड सामा मुचुकु सिलामका ओर्मिम मुचुनुड गो जेडु, मेम्मावो मेर्मिमका आमा ल्वा मथोमी” मिप्रडमाका ज्वामी।

२२ मेम्मिमका थिसिमेथेडिम वाड सामा ल्वाडाम जेसी ने थोरलुपामिमकाम लागि मेएँ, थोरमेलुपामिमकाम छेखोप सो। लावो माम्चुनीलाम जेसी ने थोर मेलुपामिमकाम लागि मेएँ थोरलुपामिमकाम लागि सो। २३ मण्डलीडा खोत्ले खोम्सिप्पीमा खोत्लेका वाडमी ल्वाडा जेम्डी, मा थिसिमेथेट्पा मुचु नुड थोर मेलुपा मुचु मेसिन्डा रोम्डी माला हाम मेर्मिमका गानीलाई न मान्थिम नेज्वामी? २४ लावो खोत्लेका माम्चुनीलाम जेमीमिम बुमीलो कोडनिम थोर मेलुपा मुचु लोवो होप्पाम ल्वा थिसिमेथेट्पा हाम वो थिसिमेथेट्पा मुचु लोवो मेगोडा रोकता माला खोत्लेलामका उ छुलकु दुथाम चबेलासोसी मा खोत्ले मुचुमिमलामका छाम्लासोसी। २५ मेरामकु नगोडाम थसिकपा ल्वामिम पाखा लुमी मा गुका खुम्बु बेसाका माम्चुनीकु सोरलोले बु मा ज्वा, “माम्चुनी आच्छाडा गानी गोडा बुमी।”

सोरलोले जोहोमका बेसी

२६ वा-ल्वाकनी, गो ज्वामु माल्तोम ल्वा ओरामडा सो। सोरलोले बोमु गानी कोदेप खोम्सिनीलो कोलेका

काम्सो बु, कोडमीका सीजेम सीडुमी, कोडमीका माम्चुनीका रेम्बोमीमिम ल्वा सोयु, कोडमीका थेसिमेशेडिमिम वाडमी ल्वालाम जे मा कोडमीका जेम्मा ल्वाकु दुथाम सोयु। ओर्मिम खोत्ले ल्वाका मण्डलीलाई युमनुडमा दुम्बेन्मु बासी। २७ वाडसामा ल्वाडा जेपामिम जेमी माला नलेका लोवो सुलेका लोवो पेन्तीका जेमीनु। मेम्मा जेम्मा ल्वाकु दुथाम कोडनिमका सोयुनु। २८ लावो मेम्पाम जेम्माकु दुथाम सोपा सुवो मेबुमी माला मेराम वाड सामा ल्वाडा जेपा मुचु मण्डलीडा लिबा बुनु, मा गु त्वापनुड मा माम्चुनीनुड जेनु। २९ माम्चुनीलाम जेपामिम नले, सुलेका कोडडा जेमीनु, मा वाडमिमका ने मेर्मिमका जेमीमिम ल्वा जोहोमका छाम्मीनु। ३० लावो मेसिन्डा बाटपामिम गोडा कोलेकाडा माम्चुनीका रेम्बोमीमिम ल्वा रोक्ता माला जेतोडा बेपा मुचु मेजेनु। ३१ मेम्साका कोले कोले बेसाका गानी खोत्लेका माम्चुनीलाम जेमु चाम्नी, मा आरेसाका खोत्ले मुचुमिमका सीसिमु चाम्नी मा उनी सो हन्बेला सोसीमु चाम्नी। ३२ माम्चुनीलाम जेपामिमकु राप्लावा माम्चुनीलाम जेपामिमकाम त्वाकु ल्वाडा दुम्मिमका मेराम राप्लावा जोहोमका थोमु बासी। ३३ हेडालोने सोरलोले बेसीडा ल्वा मेघ्रोम्साका हाम बेबे द्वा मेरामडा बोमीमिम माम्चुनीका न मेबोमी, लावो खोत्ले ल्वाडा न घ्रोम्बेसाका तुर रेन्थमीमा बोमीमिम ल्वाडाडा माम्चुनीका न बोमी।

माम्चुनीकु मुचुमिमकु खोत्ले मण्डलीडा होडडा, ३४ मेसेममिम मण्डलीडाम घ्रोम्दीडा लिबा बुमीनु। मेर्मिका जेमु मेल्वामी, लावो डुम्लाका ज्वामिम होम्साका मेर्मिम साखाम गोडा दुम्मीनु। ३५ कोडनिम ल्वाकु दुथाम मेसेममिमका हिलाबोमु न बोमी माला

नेण्डा उनी त्वाकु वोचुनुड हिलाबोमीनु। हेडालोने मेसेममिमका मण्डलीडा जेमु ने क्रोमलुपा ल्वा सो।

३६ हाम माम्चुनीकु सिजेम गानीलाम चोम्सिडाम डे? हाम मेराम ईनीमाडा कोडडा रोक्ताम? ३७ कोडनिम मुचुका उ त्वापलाई माम्चुनीलाम जेपा लोवो माम्चुनी पेललामामिम राप्लावा ल्वापा मुचु मिम्सी माला गो ज्याक्तोम ल्वा डाचो येशूका ज्वाम्डिम ज्वाक्साका रडुनु। ३८ मेराम मुचुका ओराम ल्वा मेथोसु माला उमा ल्वा वो मेथोनी!

३९ मेम्मिमका वा-ल्वाकनी, माम्चुनीलाम जेमु छोम न बेनी, मा थेसिमेशेडिमिम वाडमी ल्वाडा जेमुडाम मेभोप्नी। ४० लावो खोत्ले ल्वा जोहोमका नुड घ्रोम्होमका बोमुबासी।

ख्रीष्ट सिमुलाम बम्बोम्डिम ल्वा

१५ वा-ल्वाकनी, गो गानीलाई थोबेटनीनीम जोपा-सेला मिम्बेन्मु आमा न बु, उहेम गानी रन्नी मा मेरामडाडा बुनीम बुनी। २ गो थोबेटनीनीम ओराम जोपा-सेलाडा थोर बोनीमा मेडिसाका मेरामडा दुम्नीम बुनी माला ओरामका गानीलाई सेल्नी, मेए माला ने गानी थोर बेन्नीम ने हाम ना हामकाम दुम।

३ हेडालोने गो हाम ल्वाउतो मेराम छोम डोकपु ल्वा गानीलाई ग्वानिनिम बु : मेराम ने माम्चुनीकु सिजेमका ज्वामिम होम्साका ईकीमा छुलकाम लागि ख्रीष्ट सिम्डी, ४ मा गुमीलाई क्लुम्मिडी, मा माम्चुनीकु सिजेम होम्साका सुलेमनेम माम्चुनीका गुमीलाई सिमुलाम फम्डी, ५ मा गुमी ँकेफासकाडा, मा को-न(१२) थुर्मािमकाडा रेम्बेम्सिम्डी। ६ मेकोतिमा गुमी कोखेपकाडा डो-सडडाम वो हापा उनी सीसिपामिमकाडा रेम्बेम्सिम्डी। मेर्मिम गोडाम हापा मुचुमिम

† १५.५ *ग्रीक ल्वाडा पत्रुस

ओम्लो वो बुमी। लावो याड-याड ने सिमुदुम्मडिम बु। ७ मेम्मा याकूब नुड खोत्ले थुर्मासिमकाडा गुमी रेम्बेसिमडी। ८ खोत्लेडाम चडडा गो गक्पा थारी मेदुथिडा गडडोम होप्पाम मुचुनुड वो गुमी रेम्बेसिमडी। ९ थुर्मासिम गोडाम खोत्लेडाम याक्के गोडा सो। थुर्मा ज्वालासोम्सिमु मेघ्रेन्डी। हेडालोने गो माम्चुनीकु मण्डलीकु थोमतेसाक्तोम बाईडा।

१० लावो गो हाम बुडु, मेराम माम्चुनीकु दिदामका दुम्डोडोम बु, मा गोडलाम उनीमा दिदाम हाम ना हामकाम मेदुम्सावा। गो ने वाडमिम खोत्ले थुर्मासिमडाम वो हापा मेभापातो खारीमिम बेउतो। लावो गो बेउतोम मेएँ, गोनुड बाट्पा माम्चुनीकु दिदामका। ११ मेम्मिमका गो गानीलाई जोपा-सेला थोबेटिननी लोवो वाडमिम थुर्मासिमका थोबेटिननी लोवो कोलेडा ल्वा गुकु थोबेन्कु, मेराम गानी थोरलुन्नीम बु।

सिमुलाम बग्गेसी

१२ ख्रीष्ट सिमुलाम बग्गेसी ज्वाक्साका गुकु सोकु, मा हेसाका गानी गोडाम कोडनिमका सिपा मुचु मेबगे ज्वा? १३ सिपा मुचुमिम बग्गेसीमिम मेदुम माला ख्रीष्ट वो सिमुलाम बग्गेसीम मेदुम। १४ ख्रीष्ट सिमुलाम बग्गेसीम मेएँ माला गुकु दोत्तोकोम ल्वा नुड ईनीमा थोर वो हाम ना हामकाम दुम। १५ मेराम ल्वाडाम वो हापा गुई माम्चुनीकु दुथाम लिमा ल्वा सोपा मुचु दुम्सी, हेडालोने माम्चुनीका ख्रीष्टलाई सिमुलाम फम्डी ज्वाक्साका गुई सोईडिम बु। लावो सिपा मुचुमिम सिमुलाम मेबग्गेसी माला ने गुमीका ख्रीष्टलाई सिमुलाम मेफक्मीवा। १६ हेडालोने सिपा मुचु मेबग्गेसी माला ख्रीष्ट वो सिमुलाम मेबग्गेसिमवा। १७ ख्रीष्ट सिमुलाम मेबग्गेसिमवा माला ईनी थोर हाम ना हामकाम बु, मा गानी

आथावो ईनी छुलकु साखाम गोडा बुनी। १८ मेम्मा ख्रीष्टडा थोरलुसाका सिपा मुचुमिम वो पुयुलुम्डी।

१९ ख्रीष्टडा गुई हाम हुम ल्वापा न बिईमिम ओराम सुम्दिसेरडा बुईमिमसम्मकाम लागि कोडडा माला वाडमिम मुचुमिमडाम वो हापा नामनामचो गुई दुम्सी।

२० लावो आच्छाडा ख्रीष्टलाई माम्चुनीका सिमुलाम फम्बेटिमडी। सिपासिमिम वो सिमुलाम बग्गेसी ज्वाक्पा ल्वा रेम्बोमु लागि डादो सिट्पा मा होप्पामडा गुमी ने खोत्लेडाम डादो सिमुलाम बग्गेसी। २१ हेसाका कोले मुचुलामका सुम्दीसेरडा सिमुलाम रोकता, मम्साका सिमुलाम बग्गेसी वो कोडमी मुचुलामका चोम्सिड्डा। २२ हेडालोने आदमनुड हेमकेम बाट्पा खोत्ले मुचुमिम सिमी, मम्साकाडा ख्रीष्टनुड हेमकेम बाट्पा खोत्ले मुचुका लाले त्वारोम ल्वामी। २३ लावो सिमुलाम बग्गेसी आरेसाका पेन्तीका दुम: ख्रीष्ट ने डादो सिट्पा मा होडडा माम्चुनीका ख्रीष्टलाई खोत्लेडाम डादो सिमुलाम फम्डी, मेम्मा ख्रीष्ट योमीलो ख्रीष्टनुड हेमकेम बाट्पा खोत्लेलाई माम्चुनीका सिमुलाम फमी। २४ मेम्मा हुक्पा थारी रो। मेकोतिलो ख्रीष्टका खोत्ले किन्दी थोपा साखाम, खोत्ले साखाम मा खोत्ले युम पुयुलुमीमा किब्दी माम्चुनी पापकु ल्वाडा ग्वामी। २५ हेडालोने ख्रीष्टका खोत्ले स्वाक्चुमोलाई उनी फेमखेल गोयु मेबेथुमसम्म उनी त्वाकाडा साखाम थोम्बासी। २६ ख्रीष्टका खोत्लेडाम चडडा पुयुलुबेन्मीमिम स्वाक्चुमो ने सिमुलाम सो। २७ माम्चुनीकु सिजेमका ज्वा, “माम्चुनीका खोत्ले ख्रीष्टकु फेमखेल गोयु जुलिमडीम बु।”* ओराम ज्वाक्का ने माम्चुनी उनी त्वापडा ख्रीष्टकु साखामगोडा दुम्मी ज्वाक्का ने मेएँ, हेडालोने खोत्ले ल्वा ख्रीष्टकु

साखामगोडा जुल्साक्पा ने माम्चुनी उनी त्वाप डा सो। ^{२८} माम्चुनीका खोत्ले खारी बोमु दुम्मीमिम चडडा ख्रीष्टकु साखामगोडा खोत्ले जुल्पा माम्चुनीकु साखामगोडा तारापाचोका वो उ त्वापलाई जुलु, मेम्मा आरेसाका माम्चुनीका खोत्ले थोम खोत्लेडला किब्दी थोमी।

^{२९} सिमुलाम मुचुमिम मेबग्गोमी माला सिपा मुचुमिमकाम लागि कु-रुदुम रम्माका हाम जोपा दुम मा? सिपा मुचुमिम मेबग्गी माला हेडा मुचुमिमका मेमिमकाम लागि कु-रुदुम रमी मा? ^{३०} गुकु हेडा आकी त्वाप थारी-थारीकाडा डिम्लुसीडा जुल्कु? ^{३१} वा-ल्वाकनी, ईकी डाचो येशू ख्रीष्टका गानीडा बेम्डीम ल्वाडा आमा न भ्रसिड्डामका ज्वामु चापु, “गो हेल्लो लोवो सिमुडा बासिलोवो सिमु चापु।” ^{३२} सिपा मुचु सिमुलाम मेबग्गी माला सोप्पीडाम हादेबारामिमनुड होडडा एफिसस शहरडाम मुचुमिमनुड क्वाल्बा बेउतोमका गोलाई हाम जोपा दुस्ता मा? सिपा मुचु सिमुलाम मेबग्गी माला ने, “गुई पि-डुडी, हेडालोने दिका ने गुई सिई।” ज्वाक्मा होडडा बिडलो नु।* ^{†३३} मुचुमिमकु आरेप्पाम ल्वाका गानीलाई ताडताहेथो मेलनीमिनु: “मेजोपा मुचुमिमनुड लाम्दीसीका जोपा बादीखाम फाल्सी।” ^{३४} न छयाक्नी मा छुल बोमु डिडनी। गो ईनी क्रोमलुबेन्मु लागि ज्वाडु, गानी गोडा याडका माम्चुनी छेटिमडीमडा मिबु।

सिमुलाम बग्गेट्पा मिरोम

^{३५} लावो कोडनिमका आरेसाका हिला बोमु चाम्मी, “सिपा मुचुमिम हेसाका बग्गोमी मा मेमिमकाम उनी मिरोम हेप्पाम दुम?” ^{३६} हाम, थेसिमेथेट्पा! गानी हाम खिलनी मेराम सिमा कोडडा ल्या। ^{३७} गानी हाम खिलनी मेराम

दिफू दुम्पा बोट मेएँ, जेप्सेर लोवो वाडमिम मा डा लोवो भ्रल कोडडा खिलनी। ^{३८} लावो माम्चुनीका मुलु बेम्डिम होम्साका मेरामलाई लाले मिरोम ग्वामी। खोत्ले खालकाम भ्रललामका त्वा-त्वाहोम बोट ल्या। ^{३९} मेम्साकाडा वाड-वाडकाम रोम दुम, मिनी मिरोम वाड, हादीबारामिमकु रोम कोडमी डा, सिकिवा-माडकेवामिमकु रोम कोडमी डा, मा डोमिमकु रोम कोडमी वाड डा दुम। ^{४०} मेम्मा मिरोम वो पाह्नीलाम नुड सुबुडाम दुम। पाह्नीलाम मिरोमकु जोप्सी वाड डा बु, मा सुबुडाम मिरोमकु जोप्सी कोडमीडा बु। ^{४१} नेप्सुडकु जोप्सी वाड, ख्लोमुकु जोप्सी नुड सोरलुडकु जोप्सी कोडमीडा दुम। मेम्मा कोले सोरलुडकु जोप्सी कोडमी सोरलुडडाम उ जोप्सीडा वाडडा दुम।

^{४२} सिपा मुचुमिमकु सिमुलाम बग्गेसी वो मेप्पामडा। गुई सिईलो सुबुडाम ईकी मिरोम क्वायु खिलसी, लावो मेराम हेल्लो लोवो नुमु लागि सिमुलाम बगे। ^{४३} मिरोम हाम होडडा वो मेलुसाका क्लुम्सी, युम भ्वाक्सीक्साका बगे। सो मान्थिम क्लुम्सी, सोनुडमा दुम्साका बगे। ^{४४} सुबुडाम मिरोम क्लुम्सी, माम्चुनीपेलामिम मिरोम बगे। सुबुडाम मिरोम दुम माला माम्चुनीपेलका थोपा मिरोम वो दुम। ^{४५} मेमिमका माम्चुनी सिजेमडा ज्वाक्मा बु, “खोत्लेडाम डादोम मुचु आदम उ सामनुडमा दुस्ता।”* लावो चडडाम आदम त्वारोम ग्वाक्पा पेल सो। ^{४६} डादोम ने सुबुडाम मिरोम मा चडडाम माम्चुनीपेलामिम मिरोम। ^{४७} डादोम मुचु आदम सुबुडाम क्वाकाम बाईडा, चडडाम मुचु ख्रीष्ट, पाह्नीलामका योम्डी। ^{४८} सुबुडाम मुचुमिम क्वालाडका बेनेबेम्मा मेराम मुचु होप्पामडा बुमी, पाह्नीकाम मुचुमिम पाह्नीलाम योक्पा मुचु होप्पाम दुम्मी।

† १५:३२ *यशैया २२:१३, ५६:१२

५६ ओम्लो गुई क्वालाम बनेदुम्पा मिरोम ल्वास्तिम बु, मेम्साकाडा दिफु गुई पाहीलाम मुचु होप्पाम लाले मिरोम ल्वासी।

५० वा-ल्वाकनी, गो गानीलाई ज्वाडु, सो नुड सिसिकु मिरोमका माम्चुनीकु किब्दीकाम दोदोया मेल्वासु। मेम्साकाडा पुयुलुकपा मिरोमका हेल्लो वो पुयु मेलुकपा मिरोमकु दोदोया मेल्वासु। ५१ थोनी, गो कोले थक्मा ल्वा सोउ, गुई खोत्ले ने मेसिड, लावो गुई ईकी मिरोम वाड दुम्मा ख्लोसिडी। ५२ घरिकोडकाडा, मिक्सीकु चिक्रिमकाडा, चडडाम थारीकु तुरहीकु लोलामडा गुई मिरोमडा वाड दुम्सीमा ख्लोसीडी। हेडालोने तुरही जे, मा सिपा मुचुमिम हेल्लो वो मेसिपा बेसाका बमी। गुई नुपामिम ने लाले मिरोम ख्लोसिडी। ५३ हेडालोने इकीमा मिरोम सिल्या मा भिम, मा ओराम हेल्लो लोवो दुम्पाम बाट्पा मा मेफिपा मिरोमडा ख्लोम्सिमुबासी। ५४ इकीमा फिपा मिरोम हेल्लो वो मेसिपा मिरोमडा ख्लोसी, मेकोतिलो माम्चुनीकु सिजेमडा ज्याक्मा ओराम ल्वा रोथी,

“सिमुलाम ने क्वालबाडा सोड्डाम बु!

५५ ए सिमुलाम, गाना बान्ते छल्वान्ना? ए सिमुलाम, नोबेट्पा ईमा युम बा मा?”* †

५६ सिमुलामका युम छुललाम ल्वासु मा छुलका युम डुम्लालाम ल्वासु। ५७ लावो माम्चुनीलाई आलासो ग्वाकी, गुमीका गुईलाई ईकी डाचो येशू ख्रीष्टलामका छल्वासी ग्वाक्सामी। ५८ मेम्मिमका आमा द्वादीबुड वा-ल्वाकनी, थोरलुईमिम दुम्नीम बानी मा युमनुडमा दुम्नी। हेल्लो लोवो डाचोकु खारी छोम बेनिम बानी। हेडालोने गानी डाचोकाम लागि ब्राम्दुल्वा बोनीमिम हाम ना हाम मेदुम ज्वाक्पा गानी चनी।

माम्चुनीकु मुचुमिमलाई ख्लोमु भेटी

१६ यरूशलेमडा बाट्पा माम्चुनीकु मुचुमिमकाम लागि भेटी फमुकु दुथाम गलांतियाडाम मण्डलीमिमलाई गो बेबेतोमिम होम्साकाडा गानी बेनी। २ खोत्ले हप्ताकु डादोमनेम गानी खोत्लेका त्वा-त्वाहोम खउलुड डुप्निमकु किचो खउलुड फ्वाक्नीमा जुलतोडा बेनी, मेम्साका गो रोडुलो भेटी फबेन्मु मेबासीनु। ३ मेम्मा गो रोडुमा छेम-ल्वाकु सेला खाजेम ज्याक्साका गानी ज्वानीमिम मुचुमिमलाई भेटी सोण्डा यरूशलेम थुरुमी। ४ गो वो लमु जोपा दुम माला गोनुड मेर्मिम लमी।

पावलका ज्वाक्ताम उ
त्वाप गोडाम ल्वामिम

५ गो माकेडोनिया दुम्साका लडुमिम चडडा ईनीमाडा रोडु, हेडोलोने गो माकेडोनिया दुम्तोडा लमुबासी। ६ गो गानीनुड कोलैम-नलेम बुडु डे, डे जुथारीका वो मेसिन्डाडा बुडु। मेम्मा गो बान्ते लडु लोवो गानी गालाई लाम्दीकाम लागि ख्लोमु चाम्डीनी। ७ ओराम थारीका गानीनुड घरिकोड कोडडा ग्रोम्साका लमु आमा न मिबु। डाचोकु न होडडा दुस्ता माला ईनीमाडा रोमुमा किचो हापाडा बुमु न बेउतोम बु। ८ पेन्तिकोसकु चाडसम्म गो आसि एफिसडाडा बुडु, ९ आमा कोर्थोलाम बक्पा मुचु हापाडा बुमी लोवो आसिन्डा डाचोकु डोक्पु खारी बोमु लागि जोपा थारी ल्वाउतोम बु।

१० तिमोथी ईनीमाडा रोलो मिम्ताम-सोर्ताम मेबेसाका गानीनुड बुमु ग्वाक्नी। हेडालोने गुका वो गो होम्साकाडा डाचोकु खारी बेतोडा लेडु। ११ मेम्मिमका सुका वो गुलाई छेम छेम मेदुमीनु, मा गु आमाडा ख्लोसीमा रोलो

† १५:५५ *होशे १३:१४

उमा लाम्दीडा न ब्रसिबेट्नीमा थुर्नी।
वाडमिम थोरलुपामिम वो गुनुड रोमी
ज्वाक्साका गो लथाक्पु।

१२ ल्वाक अपोल्लोसकु दुथाम ने गो
ज्वाडु, वाडमिम वा-ल्वाकमिमनुड कोयो
ईनीमाडा लक्नी ज्वाक्साका गुलाई छोम
ज्वाड्डोम बाईडा। गु ओम्लो ईनीमाडा
रोमु नडा मेबुवा, लावो उमा लागि जेपा
थारो दुम्लो ईनीमाडा रो।

१३ चडचडया बानी, छोम थोरनुडमा
दुम्नी, डोक्पु थोम्बोकनुडमा दुम्नी मा
छोम सोनुडमा दुम्नी। १४ गानी हाम बोनी
रिखामनुडमा दुम्नीमा बेबेनी।

१५ वा-ल्वाकनी, गानी ओराम ल्वा
चनी, स्तिफनासकु नेप्डाममिम अखैयाडा
खोत्लेडाम डादो थोरलुपा मुचुमिम सो।
मेर्मिमका माम्चुनीकु मुचुमिमकाम
चापे-डुपे बोमुडा खोत्ले उनी न-गोडा
ग्वाम्डिम बु। गो गानीलाई छोम ज्वाडु,
१६ गानी मेर्मिम मुचुमिमकु ल्वाड्डा
बानी। मेर्मिम नुड मम्माम डा ब्राम्दुल्वा
बेपा वाडमिम मुचुमिमकु ल्वाडा वो
बानी।

१७ स्तिफनास, फोर्टुनाटस नुड
अखाइकस आसिन्डा रोम्डिमडाम

गो गेर्सिक्पा बुडु। हेडालोने गानी
मेबानीवालो मेर्मिम रोम्डिमका गानी
डा आसिन्डा बान्निम होडडा लुड्डो।
१८ मेर्मिमका ईनीमा न-गो ब्रसिबेट्मडीम
होडडा आमा वो न-गो ब्रसिबेट्मडी।
गानी आरेप्माम मुचुमिमलाई डोक्पु मिम्मु
बासी।

पावलकाम चक्थोम सेव

१६ एशिया क्षेत्रडाम मण्डलीमिमका
गानीलाई सेव ज्वाम्डिम बु। अकिलास
नुड प्रिस्किलाका मा उर्ची नेप्डा
खोम्सिक्पा मण्डलीका वो डाचोक्
नडडा गानीलाई उनी न-गोलामका डा
सेव ज्वाम्डिम बु। २० खोत्ले थोरलुपा वा-
ल्वाकमिमका गानीलाई सेव ज्वाम्डिम
बु। थोरलुपा दुम्सीकु रिखामका गानी
सेव साबेनी। २१ गो पावल, आ त्वाकु
ल्वाकाडा ओराम सेव ज्याक्तोडा लेट्पु।
२२ कोडनिमका डाचोलाई रिखाम मेबु
माला मेरामडला वाइतो रोनु। आकीमा
डाचो, योक्नी! २३ डाचो येशूकु दिदाम
गानीनुड दुम्नू! २४ स्त्रीष्ट येशूडा आमा
रिखाम गानी खोत्लेनुड दुम्नु। आमेन।

१६.२२ आकीमा डाचो, योक्नी ग्रीकडाम लाले सोरखप्सीडा मारानाथा ज्वाक्साका ज्याक्मा बु। ओराम अरमिकमिमका जेपा ल्वा सो। ओरामका ज्वामु माल्लुम ने आकीमा डाचो, योक्नी!